

萬有文庫

第二集七百種

王雲五主編

萬曆重修二百二十八卷本

明會典

(八)

申時行等重修

商務印書館發行



萬曆重修二百二十八卷本

明會典

(八)

申時行等重修

國學基本叢書

明會典卷之二十七 戶部十四

【會計三】

【漕運】

國朝自永樂定都於北。軍國之需。皆仰給東南。漕運之法。日益詳備。諸凡事例禁令。具列于後。

洪武五年。命率舟師海運。以餉遼。歲七十萬石。○永樂元年。令於淮安用船可載三百石以上者。運糧入淮河。沙河。至陳州。潁岐口。跌坡下。用淺船可載二百石以上者。運至跌坡上。別以大船載入黃河。至八柳樹等處。令河南車夫運赴衛河。轉輸北京。○二年。令海運糧到直沽。用三板划船。裝運至通州等處。交卸。海船回還。又以水路闊淺遲悞。令於小直沽起蓋蘆囤二百八座。約收糧一十萬四千石。河西務起蓋倉囤一百六十間。約收糧一十四萬五千石。轉運北京。○三年。令總督糧儲官於天津城北。造露囤一千四百所。○五年。令山東布政司量起夫車。將濟南府并濟寧州倉糧送德州倉。候衛河船接運。○六年。令海運船運糧八十萬石於京師。其會通河。衛河。以淺河船相兼轉運。○八年。令湖廣。江西。浙江三處倉糧。除本處支用。其餘糧本部差官督各該司府起運。○十二年。令湖廣造淺船二千隻。歲於淮安倉支糧運赴北京。其舊納太倉糧。悉改納淮安倉收貯。○又令北京。山東。山西。河南中都直隸徐州等衛。俱選官軍運。

糧。此漕運之始。○十三年浚復會通河。奏罷海運。令浙江、嘉湖、杭與直隸蘇、松、常、鎮等府秋糧。除存留并起運。

南京及供給內府等項外。其餘盡撥運赴淮安倉、揚州、鳳陽、淮安三府秋糧內。每歲定撥六十萬石。徐州、并山東、兗州府秋糧內。每歲定撥三十萬石。俱運赴濟寧倉。以淺河船三千隻支淮安糧。運至濟寧。二千隻支濟寧糧。運赴通州倉。每歲通運四次。其天津并通州等衛官軍。於通州接運至北京。○又令浙江都司并直隸衛分官軍。於淮安運糧至徐州置倉收囤。京糧官軍。於徐州運糧至德州。置倉收囤。山東、河南都司官軍。於德州運糧至通州交收。○十六年。令浙江、湖廣、江西布政司并直隸蘇、松、常、鎮等府稅糧。坐派二百五十萬石。令糧里自備船隻運赴通州河西務等處上倉。○二十一年。奏准。每歲漕運以兩運赴京倉。一運赴通州倉交收。○宣德二年。令浙江、江西、湖廣并直隸蘇、松等府。起運淮安。徐州倉糧撥民自運赴通州倉。其運糧軍士。於淮安、南京倉支運。○四年。仍令江西、湖廣、浙江民運糧一百五十萬石。貯淮安倉。蘇、松、寧國、池州、廬州、安慶、廣德民運糧二百七十四萬石。貯徐州倉。應天、鎮江、常州、太平、淮安、揚州、鳳陽及滁、和二州民運糧二百二十萬石。貯臨清倉。令官軍支運山東、河南、北直隸府州縣糧。徑赴北京。其僭運軍船。量地遠近與糧多寡。如淮安上糧民船十抽其一。徐州十三抽一。臨清十五抽一。給與官軍兼舊船運載赴京。○五年。令河南、南陽、懷慶、汝寧三府糧運於臨清倉。開封、彰德、衛輝三府糧運於德州倉交收。○又令江南民糧。兌撥附近衛所官軍運載至京。此兌運之始。○六年。奏准。浙江、江西、湖廣、蘇、松、常、鎮、

太平等府僉撥民丁及軍多衛所添撥軍士與見運軍士通二十四萬分兩班更替價運○七年議准民運多失農月及官軍空船往還艱苦著例民糧加耗腳各於附近水次兌與軍運○九年令官軍運糧五百萬石以三分爲率通州倉收二分京倉收一分各該兌軍處布政司委堂上官二員按察司一員總理○正統元年令民運糧至瓜淮就令揚州淮安府衛委官并該倉官僱見數交兌○六年令各衛兌軍民糧兌完就出通關如路途寫遠衛所于本都司出給通關填給勘合○九年令各處民糧每歲該起運京師之數先儘本都司衛所兌運其不盡者布政司坐撥各府州縣輪流運送於淮安徐州臨清德州等倉交收○十三年令兌軍糧料於東安等門并五府六部都察院等衙門及京倉收六分通州倉收四分支軍糧料於淮安徐州臨清德州等倉關支於通州倉收遮洋船運於東店倉收十萬石林南倉收五萬石○又奏准各處原坐兌軍京糧或有災傷免徵者許於原坐徐州淮安南京該納糧改撥轉兌○十四年令運糧旗軍留京操練明年糧改委有司官督糧里人等上納○又令蘇州府委官督糧里及殷實大戶人等自運京儲退回旗軍操守○天順三年議准兌運糧米不許以一州縣分作三四衛亦不許一衛分作三四州縣以近派遠以遠派近○成化六年奏罷蘇松等府民運糧仍舊軍運○八年定歲運米四百萬石歲額至是始定○又以揚州河道乾淺恐遲糧運奏准募車支運通州倉糧以完京倉之數待糧船到日將該運京糧照數補還通倉○十一年罷民運淮徐臨德等倉糧令軍船徑赴水次領兌運送京通二倉交

納。此改兌之始○二十年奏准。河道淺阻。糧運遲滯。運到京者。悉免曬颺。每石加耗米四升。未到者。令在京各衛所官軍人等。於通州、張家灣等處地方。臨倉預支三箇月。每石加腳價米三升。河西務七升。其所兌糧。每石兌運。該收耗米五升。并免曬颺米四升。俱作正數支放。如無本色者。每斗折銀五分。送太倉庫。其兌支未盡者。俱送通州倉上納。○二十三年。令改造遮洋運船。爲淺船。從新河僦運。其運糧并人夫。亦照淺船例均派。每船旗軍十名。○正德元年。奏准。遮洋總下額運糧三十萬石。內改兌糧六萬石。免徵本色。每石折銀六錢。解太倉銀庫交收。○三年。以廬州府原起解鳳陽倉米二萬五千石。山路崎嶇。不通漕運。令照舊於鳳陽倉上納。○九年。議准。山東坐運德州倉小麥。不拘有災無災。俱每石折收銀六錢。○十六年。奏准。各處原派臨清倉民運糧七萬六百石。今後照數徵完。就於各水次聽漕運衙門撥到軍船交兌。不必民運到倉。○嘉靖五年。令以顯陵衛原運湖廣正糧二萬三千九百三十四石七斗。折銀解赴太倉收納。船隻派與無船衛分撐駕。○六年。奏准。開濬通惠河。修理閘座。築堤立壩。造船盤剝。以便糧運。每年二月。戶部請勅給赴通倉坐糧員外。會同巡倉御史督理。○八年。議准。僦運郎中。遇河道水淺。阻礙船隻。就便起集挑淺隄溜。及各泉源挑濬等項夫役。併力疏通。如工程浩大。設法起夫。協同管河管閘等官整理。○十一年。題准。遮洋額運蘄州倉本色米一十萬石。內將四萬石。每石連耗徵價銀九錢。與本色相兼放支。太平寨燕河營等處官軍。每石折銀六錢五分。扣除銀兩。通融支放。○十二年。議准。安陸衛改

承天衛其原運江西改兌糧七千五百二十八石三斗轉行江西布政司自嘉靖十四年爲始均派所屬府縣照例每石連席耗共折銀六錢差官協解太倉銀庫交收○又奏准輕齋銀兩各州縣徑自差人隨同運船押解赴淮聽漕運衙門驗封交付運官隨幫前進不必解府類總展轉稽延○十九年又以荊州左衛改顯陵衛題准原運湖廣正糧一萬三千八百石江西正糧八千石每石連席耗折銀七錢解赴太倉交納○隆慶元年題准漕糧四百萬石內除薊州三十萬石係原議外其嘉靖十一年以後顯陵承天二衛免運改折江西糧石仍改復本色二十九年以後因北虜侵犯改薊州班軍行糧及昌密二鎮糧餉俱改正輸納京通二倉以復歲收原額三百七十萬之數○萬曆元年題准江南多兌運江北多改兌令移吳浙船於江北南京船料難處江浙輕齋有餘令改南京船於江浙江西有過湖七升浙江有修船六升令均派一半兌運有輕齋帶納改兌無輕齋令空貼相均仍以疲衛附于劇縣令稍和資以重幫定於本省親臨管束

督運官員 凡漕運官各年添革不一今書見存者於前而附各事例於後

總督

都御史一員

總兵官一員

把總 舊有遮洋總一員萬曆元年革

南京二員

中都留守司一員

浙江二員

江西一員

湖廣一員

山東一員

江北直隸二員

江南直隸二員

監兌

戶部主事五員

每歲於漕運議事畢，選差請勅分詣山東、河南、南直隸、浙江、江西、湖廣督軍民有司，依期交兌，催儂起程。南運督至儀真，與儂運官交接明白，即將各兌完起程。并

交接日期報部查考。同日仍將兌完日期具奏。

僭運

御史一員

舊用戶部郎中一員，三月奏差，今改差御史。

押運

參政一員

舊有協同漕運參將二員，今革以一參政領漕務。

理刑

刑部主事一員

或員外郎三歲代，萬曆二年革，十一年復差。

永樂二年題准設總兵官、副總兵官、統領官軍海運。○十二年令北京、山東、山西、河南中都直隸、徐州等衛俱各選都指揮一員、統領官軍運糧。○十六年令沿河壩閘每三處差御史一員僭運。○十七年令侍

郎都御史并武職大臣各一員。催督糧運各部郎中員外分投整理。○宣德二年差侍郎五員都御史一員。催督浙直等府軍民糧運。○四年題准差侍郎都御史少卿郎中等官僭運。○十年令漕運總兵官八月赴京會議。次年運事。○正統十一年題差主事一員往各司府等處提督交兌。○景泰元年設淮安漕運都御史兼理通州至儀真一帶河道。○五年令河南山東布按二司官督理兌運。○天順元年令總兵官兼理河道。○又題准添參將一員協同督運。○又令各處監兌民糧司府州官每歲承委後先行本部知會徑赴總督漕運官處比較。○二年題准設漕運理刑主事。○成化八年議准差在京各衙門堂上官一員。催僭糧儲。○二十一年令每年戶部差官一員於山東河南南京戶部差官四員於浙江江西湖廣南直隸地方督同各司府州縣正官并管糧官徵兌。○弘治二年議准每歲於戶部郎中員外郎主事內推選一員領勅催僭運船。○三年取回各處監兌主事等官止令各該管糧官監兌。○七年令兩京戶部仍差主事等官于湖廣江西浙江山東河南及南直隸各府催督監兌民糧。○十二年令監兌僭運官將各衙所掌印并運糧官賢否遞年開送漕運都御史總兵官三年彙送以憑考察。○十三年題准各省守巡道直隸各府佐貳官督理糧運。○十五年題准行天津等處管糧部官但遇糧船到彼卽各照地方接連嚴限催僭。○正德六年題准照例子左右侍郎內差一員僭運。○七年題准改委戶部屬官四員分往南直隸浙江江西湖廣地方監兌。○十一年題准監兌官兌完起程交接明白仍回原兌水次整理下年

糧運候交代回京。○十五年題准天津兵備副使帶管白河漕運。○嘉靖四十四年題淮南直隸浙江江西湖廣等處監兌官各給關防一顆。○隆慶三年題准兩浙巡鹽御史兼督浙江杭嘉湖三府直隸蘇松常鎮四府漕務革監兌官。○四年題准漕船起行都御史坐鎮淮安參將移駐瓜儀總兵駐徐州各分經理催督船糧。○又題准給僭運把總關防。○又議准南京巡屯御史兼督應天太平寧國安慶池州五府及廣德州糧務。○五年題准差御史僭運。○又題准裁革參將設參政一員每年正月移駐瓜儀經理糧船過關過壩管押到京。○又令兩淮巡鹽御史兼督廬鳳淮揚四府及滁徐和三州糧務。○六年議准徽寧池太兵備兼管糧務。○又題准給僭運郎中關防。○萬曆五年題准仍差主事一員往蘇松常鎮監兌。○六年停差僭運郎中。○又令南京二總各衛運官俱與軍政僉書更番領運責成掌印官先期料理仍差南京兵部主事一員專管選補軍旗事務。○九年復差主事一員往浙江監兌。○十二年令兩浙巡鹽御史仍帶管漕糧止行文督催免其押送鎮江。

運糧官軍

南京把總二各領衛十三

錦衣衛

廣洋衛

江陰衛

龍虎衛

鎮南衛

神策衛

府軍衛

府軍右衛

豹韜左衛

龍江右衛

金吾後衛

虎賁左衛

留守左衛以上把總一員領

旗手衛

府軍左衛

金吾前衛

府軍後衛

興武衛

滂陽右衛

應天衛

橫海衛

水軍左衛

水軍右衛

龍虎左衛

龍江左衛

羽林左衛以上把總一員領

江南直隸把總二領衛所十九

建陽衛

新安衛

安慶衛

九江衛

宣州衛

鷹揚衛

豹韜衛

武德衛

留守右衛

虎賁右衛以上上江把總領

鎮江衛

太倉衛

蘇州衛

鎮海衛

留守中衛

驍騎右衛

羽林右衛

嘉興守禦千戶所

松江守禦千戶所以上下江把總領

江北直隸把總二領衛所十五

淮安衛

大河衛

泗州衛

邳州衛

壽州衛以上把總一員領

揚州衛

高郵衛

儀真衛

廬州衛

六安衛

滁州衛

通州守禦千戶所

泰州守禦千戶所

鹽城守禦千戶所

興化守禦千戶所以上把總一員領

中都把總一領衛所十一

留守左衛

留守中衛

鳳陽衛

鳳陽右衛

鳳陽中衛

懷遠衛

長淮衛

宿州衛

武平衛

潁川衛

洪塘湖屯田千戶所

浙江把總二領衛所十三

杭州前衛

杭州右衛

紹興衛

海寧衛

海寧守禦千戶所

湖州守禦千戶所

嚴州守禦千戶所以上浙西把總領

寧波衛

台州衛

温州衛

處州衛

衢州守禦千戶所

金華守禦千戶所以上浙東把總領

山東把總一領衛所十九

臨清衛

平山衛

東昌衛

濟寧衛

兗州護衛

東平守禦千戶所

濮州守禦千戶所以上係本總原領

徐州衛

徐州左衛

歸德衛

德州衛

德州左衛

天津衛

天津左衛

天津右衛

通州左衛

通州右衛

定邊衛

神武中衛以上係裁革遞洋併入本總數

湖廣把總一領衛所十舊有荊州左衛嘉靖間改顯陵衛舊有安陸衛改承天衛俱免運

武昌衛

武昌左衛

蘄州衛

黃州衛

荊州衛

荊州右衛

岳州衛

襄陽衛

沔陽衛

德安守禦千戶所

江西把總一領衛所十一

南昌衛

袁州衛

贛州衛

吉安守禦千戶所

安福守禦千戶所

永新守禦千戶所

撫州守禦千戶所

建昌守禦千戶所

鉛山守禦千戶所

廣信守禦千戶所

饒州守禦千戶所

凡官軍選補宣德三年奏准各都司衛所選委指揮等官專一運糧不許別項差操軍士缺卽爲撥補如有不差原選委官及軍缺不補者正官并首領官俱罰俸半年○五年令巡按御史布按二司及漕運都指揮選舉管糧官員軍多衛分指揮二員少者一員○六年奏准差給事中御史于南京各衛會同該府堂上官在外會同各都司按察司堂上官及中都留守司直隸衛所點選運軍其管運官員不能撫卹以

致逃故者從總兵官處治。所虧糧仍令補還。○七年增撥南京豹韜左等衛及各都司直隸衛所軍餘并見運官軍共一十六萬。備運糧儲。○十年令各處運糧官軍但有軟弱事故者於見操屯田官軍內兌補。其提督運糧都指揮等官許乘糧船一隻量帶官糧。○成化十二年令各該運糧衛所今後不許將運糧旗軍捏故掣回改差。如果逃故先儘見在選補。若正軍數少方許將殷實餘丁點輳。其月糧行糧并賞賜在京在外俱照本衛所運糧正軍事例關支。若逃故正軍復役即令上運替回餘丁改差。月糧住支仍將選補運糧餘丁俱照南京戶部所擬造冊轉送查考。○二十一年令運糧官員老疾不勝任者赴漕運衙門告驗聽把總官開報取補。若無相應官許于軍政佐貳內取補規避運糧官員仍發上運旗軍不上運或逃避者究問仍發運糧。○弘治十二年令戶部會同兵部及漕運都御史等官考察運糧各衛所指揮千百戶廉幹有爲者存留管事貪婪無爲者革退另選相應官代補。○正德五年題准運官交糧完日務嚴督軍人將本幫船隻督押回還其軍丁有恃頑不行上運不候交兌及雖交兌即棄船逃走者將行糧賞鈔盡追入官仍問發邊衛充軍另拘戶丁補伍。○嘉靖七年題定考選運官三年一次。○又議准淮安清江浦管廠指揮聽漕運衙門填註賢否送戶兵二部與漕運官一體考察去留。○八年議准江北直隸等總係南京衛分者南京兵部選委主事一員係布政司者各該巡按御史會同監兌守巡兵備等官嚴督各該衛所軍政掌印官通查原額運軍逃故缺少者先將掌印住俸另選正伍內精壯旗軍補役正軍

不足于空閒餘丁。或別差下選補。該衛所無丁。同衛所撥補。本衛無丁。於本總衛所撥補。發各把總官處。審驗上運。如有已撥上運。又復改差。及老弱不堪。詭名搪塞等弊。並聽漕運衙門。并巡按御史。及各委官。照例參究。仍將撥過姓名數目。造冊送戶兵二部查考。○九年題准。運糧官員。聽漕運衙門。坐名調取。不許擅自補換。○十四年題准。運糧把總。衛所總等官。每三年一次。戶兵二部會同考察。分別去留等第。奏請定奪。千百戶鎮撫等官。亦三年一次。漕運衙門。考選南京兵部。及各省撫按衙門。遇有申告運官。一切患病。年老。緣事等項。必須會行漕運衙門。勘實。方許替換。若遇考選軍政之期。查係戶兵二部原考定者。不得擅爲紛更。各處衛所總官。有缺于領運。及各衛所僉書。軍政等官。素有才力者。選補。其餘管事缺官。不許擅掣。運官。其各該運官。如有科擾侵欺等項實跡。悉聽漕運衙門。監兌官。并巡按御史。指實參究。黜罰。不在三年考察之限。○凡衛所運軍不足。限一月之內。照名補完。若限外不完。百戶十名以上。千戶二十名以上。指揮三十名以上。住俸督補。直至完日。方許收俸。○凡衛所差撥旗軍。或正或餘。俱選丁力相應之人。照例量免幫貼。遇有逃故等項。移文行取。隨即撥補。押發上運。不許過違十日。○凡逃故軍士。各該衛所不行僉補者。比照京操官軍。該班不到事例參究。○二十一年議准。凡把總等官。三年以上。果有廉能幹濟。依期完糧。不至借債者。准令於實職上陞一級。○二十二年議准。管船旗甲。於見役旗軍。揀選丁力相應者充當。如見運數內不堪者。許將在衛城操屯種。相應人丁僉補。○四十四年題准。各總衛所

掌印官先期料理。下年糧運不得規避延捱。其舊運官完掣通關。卽令掌印間有掛欠。另選以備更番。○隆慶六年題准。運糧衛所各掌印官會同運官將各船旗甲逐名精選。身家有力者選完。開造花名長單二張。送附近府州縣正官覆審相應。不堪者卽與更換。用印鈐蓋。掌印領運官各分一紙。後有壞事損失。掌印責陪。有司另處。原單淮南繳報漕司。淮北投天津兵備類繳。

凡軍官行糧費鈔。洪武二十六年令海運官軍自三月十五日起。至九月十五日止。每人日支口糧二升。○二十七年令日支四升。○永樂十三年令運糧官軍行糧不分遠近俱支三石。○宣德元年令各衛所官軍行糧止給二石。○正統元年令浙江湖廣江西山東河南中都留守并南直隸衛所官軍行糧皆於本處官倉支給。如倉無見在於存留糧內平斛兌支。南京各衛于應天府原定各衛秋糧內兌支。增爲二石七斗。山東河南北直隸路近者不增。○又題准給賞官軍鈔錠。指揮八錠。千百戶鎮撫六錠。旗軍四錠。○五年奏准賞運糧官軍鈔。指揮八錠。千戶衛鎮撫六錠。百戶所鎮撫五錠。旗軍四錠。如本處無鈔許齎本部勘合。徐州迤南衛分於淮安所屬州縣關支。徐州迤北衛分於衛輝府官庫關支。○景泰七年令揚州迤南衛所運糧官軍每員名支行糧三石。淮安迤北衛所每員名支二石。○天順七年定浙江江西湖廣衛所本布政司關支。南京并淮南迤南衛所於淮安揚州課程鈔內關支。邳州迤北衛所於臨清課鈔內關支。○成化三年定官軍行糧浙江江西湖廣南直隸各總衛所俱於本處倉。南京各衛於兌糧水次。

倉各支米三石。江北總安慶衛於本處倉支米麥二石八斗。鳳陽等八衛所并直隸廬州、安慶、六安、滁州、泗州、壽州、儀真、揚州、高郵、淮安、大河、武平、宿州及河南、潁川衛、潁上千戶所俱于淮安倉支米麥二石八斗。邳州、徐州、徐州左、歸德衛俱於徐州倉支米麥二石六斗。前項江北衛所并安慶衛官軍內摘撥江南水次交兌者照依江南衛所事例各於原定倉分支米麥三石。遮洋船南京水軍左等八衛俱於南京各衛倉支米麥三石。大河等五衛於淮安倉支米麥二石八斗。山東官軍於臨清倉、德州、天津等九衛於德州倉各支米麥二石四斗。○十年令運糧都指揮并把總指揮軍伴於相應軍餘內撥二十名就令駕船俱照運糧軍餘一例關支行糧賞鈔。○十七年奏准南京運糧官軍行糧令江西、蘇、松等處將該納南京倉糧就同兌運帶去瓜州、淮安扣支每米一石增水腳價一斗五升。○弘治十七年議准浙江領運官行糧限十二月以裏俱於本處照數放支如本處缺糧就于杭、嘉、湖三府該兌糧米關支如亦缺布政司每石折銀四錢給散運軍。○十八年題准南京二總官軍行糧將浙江并直隸蘇、松等處各府縣應運南京倉糧照數收完扣留本處候二總兌糧時齋冊同在水次照數支領。○正德二年題准江西二總每船旗軍十名例支行糧三十石中途逃故者止扣安家月糧所遺行糧准給與旗軍以償雇募。○十五年議准今後各衛運軍行糧務與正糧一時兌支完足如無糧者就支府庫官銀每石五錢折算仍報漕運并該巡撫衙門查考過期未完查參究問。○嘉靖三年令各該監兌官員督放軍旗行糧務要各船旗甲親領

不許冒名代支。如各總衛所領運官軍，有侵扣運軍月糧行糧，並聽被害旗軍具告，照例參奏。○又議准，水軍左等八衛運船，改江南府州縣糧米者，行糧於水次倉支領。○八年議准，江南下江總所屬鎮江等衛月糧，俱於鎮江、蘇州、太倉等府州關支。○又議准，運軍行糧，除遮洋一總，每船額該旗軍一十二名外，其浙江等一十一總衛所，每正糧三十石七斗二合，扣軍一名，查各運正糧若干，照數支與。如有數外多開者，即便革去。○十七年議准，今後運軍月糧，各該撫按官先將應徵存留糧斛依期徵給，如徵有不及，或災傷停免，聽各倉庫別項錢糧預行通融處給，不許刁蹬留難。其行糧例該本處關支者，雖派別省兌運，仍舊在於本處。若兌本省原議水次者，俱要預期徵完。同正糧併兌，不許先儘正糧，將行糧落後。○四十年題准，山東總除運京通二倉外，該運密雲等鎮運軍行糧，照江北總事例，每名四斗。其薊州運軍行糧，照空運密雲事例，每名亦加四斗，各共二石八斗。○四十四年題准，官軍行糧，例該本處，雖派別省兌運，仍舊本處。如徵收不齊，江浙湖廣，每石折銀五錢。揚州等衛該鳳淮二倉支給者，每石折銀四錢。許於庫貯別項銀兩借支補還。違誤者俱聽漕司照例參究。如一月不給者，掌印管糧官各住俸半年。二月不給者，各住俸一年半。三月不給者，各降二級。半年之上，不給者，從重議處。○萬曆二年題准，以後漕運衙門給發南京各衛全單，先期咨送南京戶部照單扣算。行糧另給紙牌，連原單發與運官，前赴兌糧水次支領。及行各巡撫責令府州縣南糧耗米、蔗竹、驢腳等項，通作正數給軍，仍將給過行糧數目，并衛所官

軍姓名冊報南京戶部查考。○五年題准將河南徵收行糧改在小灘者徑赴臨清倉上納而以臨清廣積二倉新舊貯米抵作運官行糧通融支給。

漕運總數

凡漕運先年俱民運。淮、徐、臨、德四倉軍船接運入京。通二倉名爲支運。永樂末始令民運。赴淮安瓜洲補給腳價。兌與軍船領運。名爲兌運。其四倉仍十之三四。後兌運漸增。又令軍船各回附近水次領兌。民加與過江腳價。視遠近爲差。成化十一等年改四倉米七十萬石。令各軍徑赴水次領兌。名爲改兌。其兌運中又分支運米。與天津、薊州、密雲、昌平。其正額外。又有預備米貯于臨德二倉。歲運米四百萬石。北糧七十五萬五千六百石。南糧三百二十四萬四千四百石。內兌運三百三十萬石。改兌七十萬石。除例折外。每年實通運正耗糧五百一十八萬九千七百石。

兌運米

浙江六十萬石

江西四十萬石

湖廣二十五萬石

應天府一十萬石

內折色三萬七千七百三十四石七斗

蘇州府六十五萬五千石

松江府二十萬三千石

常州府一十七萬五千石

鎮江府八萬石

寧國府三萬石

廬州府一萬石

太平府一萬七千石

鳳陽府三萬石

徐州三萬石

河南二十七萬石

內折色七萬石

改兌米

江西一十七萬石

蘇州府四萬二千石

廣德州八千石

淮安府一萬一百五十石

以上舊俱運淮安府常盈舊

浙江三萬石

鳳陽府三萬三百石

鎮江府一萬二千石

池州府二萬五千石

淮安府二萬五千石

安慶府六萬石

揚州府六萬石

山東二十八萬石

內折色七萬石

應天府二萬八千石

松江府二萬九千九百五十石

鎮江府一萬石

揚州府三萬七千石

徐州一萬八千石

淮安府六萬九千石

以上舊運徐州廣運倉

山東二萬六百萬石

河南五萬石

以上舊運臨清廣積倉

山東七萬五千石

河南六萬石

以上舊運德州倉

支運米六十四萬四千八十三石三斗

天津倉米六萬石

薊州倉本色米十萬石折色米一十四萬石

密雲鎮米一十五萬四千八百一十石八斗

昌平鎮米一十八萬九千二百七十二石五斗

以上卽上兌運內數

預備米一十九萬四千四百石

臨濟廣積倉山東五萬四百石河南六萬石

德州德州倉山東六萬石河南二萬石

以上凡有災傷府分停免就於隣近府分照數輾補候成熟徵還如遇各府俱有災傷就將二倉貯備米內支運務不失四百萬石額數

腳耗輕齎

國初民運無腳耗等項至宣德間令民糧兌與軍運成化間將徐淮臨德四倉支運亦改兌軍皆給路費

始各有耗米。兌運米俱一平一尖收受。故有尖米。耗尖米。除隨船給運外。餘折銀。謂之輕齋。備運軍盤剝費用。改兌無尖米。以耗米二升折銀。謂之折易輕齋。費不足。則於兌運輕齋內空貼。後通惠河成。省腳價。始立減扣法。扣留者。以備修理通惠河閘。量減者。以寬民力。

兌運加耗米一百七十五萬一千一百九十五石九升八合

兩尖米三十一萬二千二百二十六石五十三升

輕齋銀四十四萬五千二百五十七兩零

江西、湖廣、浙江每石。加耗米六斗六升。又兩尖米一斗。共七斗六升。內除四斗隨船作耗。餘米三斗六升。折銀一錢八分。名三六輕齋。今於三斗六升內。減去二升。止徵三斗四升。改爲三四輕齋。於內仍扣留銀二分。

應天、蘇州、松江、常州、鎮江、太平、寧國、池州、廬州、安慶每石。加耗米五斗六升。又兩尖米一斗。共六斗六升。內除四斗隨船作耗。餘米二斗六升。折銀一錢三分。名二六輕齋。今減去二升。止徵二斗四升。改爲二四輕齋。於內仍扣留銀一分。鳳陽、淮安、揚州、徐州每石。加耗米四斗六升。尖米一斗。共五斗六升。內除三斗隨船作耗。餘米二斗六升。折銀一錢三分。名二六輕齋。後改爲二四。與應天等府相同。

山東、河南、每石加米三斗一升。尖米一斗，共四斗一升。內除二斗五升，隨船作耗。餘米一斗六升。折銀八分。名一六輕齋。內具無減扣。河南每石，再加耗米三升。山東府屬縣，在小灘交兌者，亦再加耗米三升。俱折銀一分五釐。給軍以資盤費。

過湖米。九江府每石徵米七升。饒州、廣信、建昌、鉛山、撫州五所，兌本省糧者，每石亦徵四升。折銀一分二釐。給軍作過湖腳耗及什物等用。

腳米。江北三總，并南京、浙江、下江等總，每石徵腳米六升。折銀給運官。同有司爲買辦物料修船之費。鎮江、廬州二衛，亦加腳米六升。其江寧、上元、江浦、六合、句容五縣，腳米六升。將三升量給船戶。三升給軍盤剝修船。

改兌加耗米二十萬四千九百三十七石五斗。浙江、江西每石，俱加耗米四斗二升。應天、蘇州、松江、鎮江、廣德每石，俱三斗二升。鳳陽、淮安、揚州每石，俱二斗七升。

以上各加耗內，各折米二升。易銀一分。名折易輕齋。餘俱本色。徐州每石二斗二升。山東、河南每石一斗七升。俱本色無折銀。

凡改兌俱無尖米盤剝之費。折易輕齋如不敷於本總屬下，各衛所兌運輕齋銀內空貼應用。永樂十三年，令僭運糧每石俱兩平斛收放。官軍僭運止一尖一平。定爲例。○宣德六年，令兌運官軍量

其遠近給輿路費耗米。○八年題准兌軍腳耗每石湖廣八斗江浙七斗南直隸六斗江北淮揚鳳陽五斗徐州四斗北直隸河南山東三斗若民自運至瓜淮兌者四斗。○十年令湖廣江西浙江耗米俱六斗江南直隸五斗江北直隸四斗徐州山東河南二斗五升。○正統元年奏准加耗江北淮安鳳陽四斗五升浙江蘇松等府民自運至瓜州者三斗七升淮安者三斗餘如舊。○又令各處解納京通倉糧并民運臨清淮安倉糧俱每石一尖一平斛收兩平斛放支官軍攢運臨清等四倉糧俱一尖一平斛支赴京通二倉交收。○又令湖廣江西浙江加耗俱六斗五升江南直隸五斗五升江北揚州淮安鳳陽四斗五升河南民糧於蕭縣水次兌者四斗民自運至瓜淮等處兌軍運者二斗其兌運料豆加耗亦准此例。○景泰元年令蘇松常鎮等府民糧自運至瓜洲兌軍者加耗四斗五升淮安者四斗。○成化七年令瓜淮官軍過江兌運除加耗外每石添給腳米六升。○八年題准腳價耗米就令彼處收糧委官折收解部候用每石腳價米九升。○十年將徐淮臨德四倉民運兌與軍者隨其遠近加與耗米領運。○又令湖廣江西浙江加耗每石四斗應天并江南直隸二斗五升徐州二斗山東河南一斗五升。○十三年題准進倉糧米兌運每石明加八升支運淮安等倉照原例一尖一平。○弘治二年令官軍上納京通二倉兌運者加耗七升改兌者四升支運并遮洋仍一尖一平收受。今遮洋加耗六升。○十五年題准江西糧米不拘兌運改運每石加過湖米七升。○正德七年題准過江腳米江北五升江南仍六升。○又題准將兌軍餘耗每石折

銀伍錢收貯在官各總掌管以備到京車脚等用如有餘漕運衙門查收以備急缺支補○又題准輕齋銀兩各司府州縣每年務隨正糧一併兌完方許出給通關○嘉靖六年令各總輕齋銀兩照例驗給扣省腳價解送太倉銀庫以備修河等項支用羨餘銀兩給散運軍○八年議准輕齋銀兩解赴漕司驗兌每幫先給十分之三備沿途起剝支費其七分鞞封到京候完扣算其山東河南輕齋銀不先給○又議准江西九江府民糧照舊徵過湖米七升通兌與該衛運軍內扣三升作行糧○又議准官軍過江領兌蘇州等處者江北三總并廬州衛每石腳米一斗三升南京兩總并鎮江衛每石七升其廬州衛本府兌者七升○又議准河南兌軍秋糧每石加米三升折銀一分五釐○十六年令遮洋運船該運薊州糧者經涉海道程途險遠每石先給輕齋銀一分○又議准兌運糧米照舊分派京倉七分通倉三分改兌京倉四分通倉六分合貼腳價於輕齋銀兩空給○二十八年題准江西饒州撫州建昌廣信鉛山五所每石加過湖米四升折銀一分二釐○三十年題准蘇州等府腳米將七升有司自雇民船交與官軍裝糧抵壩其餘六升仍給官軍過壩修船○萬曆元年題准江北三總派兌南糧原定腳米一斗三升雇兌江船今瓜洲建壩徑赴水次聽兌蠲免七升止徵六升其南京各衛通到水次原徵七升今免一升止徵六升○二年題准各處隨糧輕齋銀通解漕司內將三分給運官其七分選定解官秤驗明白各令入鞞類至十萬上下裝入標船星夜越幫前進送通倉坐糧郎中秤過寄庫候該幫船到驗給運官完糧其山東

河南者。原不過淮。責成臨清兵備。差官陸路解進。○七年。令輕齋銀兩。照議單分爲三七。以三分給本幫備船。沿途空貼等費。其羨餘。兌給回南旗軍一分。餘候完掣通關之日。查無掛欠。亦便與運官領回分給。不必扣貯。○十一年。以江西饒州等五所淺船。改併進賢水次修造。兌徵過湖米銀。○十三年。題准。輕齋羨餘銀。舊例一分解淮。二分給軍。今照萬曆七年例。惟山東遮洋二總。每船仍止給銀一兩。中都錦衣旗手上江。下江。淮。大揚州七總。原議每船一兩五錢。今增五錢。共二兩。浙東。浙西。湖廣。江西四總。原議每船三兩。今增一兩。共四兩。其扣省銀兩。京倉八項。通倉六項。照舊扣除。

漕規

凡水次交兌。宣德七年。令官軍運糧。各於附近府州縣水次。江南民運糧於瓜洲。淮安二處交兌。河南所屬民運糧。至大名府小灘。兌與遮洋船。官軍領運。山東糧。於濟寧交兌。○正統九年。令江南漕糧。于九江水次交兌。○成化七年。令瓜。淮水次。兌運官軍。下年俱過江。就各處水次兌運。○二十一年。令各司府州縣正官。并守巡管糧等官。將原會兌軍糧米。徵完俱限十二月。以裏運赴原定水次倉交兌。不完者。各管糧官住俸。次年正月不完者。革去冠帶。經該官吏管糧委官。俱挈問。管兌官亦照例革去冠帶住俸。若民糧已到。領兌官軍來遲。或刁蹬者。領兌官一體候兌完日參問。○正德元年。議准。湖廣水次於長沙。漢口交兌。○三年。令移河南。山東兌糧於臨清水次。○嘉靖十一年。議准。遮洋。山東二總。歲運河南糧。仍舊在

小灘鎮水次交兌。○十二年議准湖廣糧俱赴蘄州漢口城陵磯三處水次交兌。○十四年題准一應兌軍改兌秋糧務在及時徵派依例開倉如限運赴水次聽候交兌若正月終有司無糧軍衛無船者府州縣掌印管糧官領運指揮千百戶行巡按提問各住俸半年二月終無糧無船者各提問住俸一年其船糧不到之數俱以三分之一爲限仍先各革去冠帶待罪催償若三月終船糧不到各提問降二級四月終糧船不到不分多寡連布政司掌印管糧官領運把總通行提問各降二級文職起送吏部別用軍職發回原衛帶俸差操。○又題准五月終船糧不到水次者併參衛所掌印官。○十六年題准江西吳城水次原兌糧改進賢水次交兌。○四十三年題准兌運漕糧務要遵照例限十月開倉徵收十二月完足聽候官軍一到卽與開兌如過限無糧者許領運官旗具呈監兌主事先行從重參究。○隆慶四年題准漕糧定限十月開倉十二月終兌完開幫如十二月終有司無糧軍衛無船糧道與府州縣掌印管糧官及領運把總指揮千百戶住俸半年違正月終限者各住俸一年違二月終限者各降二級布政司掌印官降一級。○萬曆元年題准湖廣衡永荆岳長沙漕糧原在城陵磯交兌者改併漢口水次。○十一年改漢口交兌于金沙州陳公套水次。

凡樣米宜德十年題准各處起運京倉大小米麥先封乾圓潔淨樣米送部轉發各倉收候運糧至口比對相同方許收納。○弘治十三年議准各處兌運衙門解送樣米山東直隸限三月以裏江北直隸鳳陽

等處限五月以裏。南京并江南等處限六月以裏。浙江、湖廣、江西限七月以裏。到部如有故違遲誤。先將差來人役送問。承行并管糧官吏行各該巡按御史一體究治。○萬曆四年議准。各處樣米。山東、河南限正月。江北直隸限二月。江南直隸限三月。浙江、湖廣限四月。各分頭幫解送總督衙門收候。運糧到日轉發各倉比對。

凡運糧程限。正德五年令漕運衙門以漕運水程日數列爲圖格。給與各幫官員收掌。逐日將行止地方填注一格。同原給幫票送部查考。事完送漕運衙門查繳。無故違悞。運官住俸問罪。○嘉靖八年議准。江北官軍兌本府州縣糧者限十二月。裏過淮。南京、江南直隸官軍兌應天等府州縣糧者限正月。以裏過淮。湖廣、浙江、江西三總官軍兌本省糧者限三月。以裏過淮。山東北直隸二總官軍兌本處糧者限正月。以裏完報。遮洋官軍兌山東、河南糧者限三月。以裏。違者聽僭運官參治。○又議准。淮、徐等五倉收糧部官遇糧船到彼。定與水程令齋到前路部官處照限查考。○萬曆二年題准。舊例湖廣、江西、浙江三總限三月。過淮者多與黃水相值。今定限二月。過淮如違。查久近分別治罪。

凡完糧期限。成化八年令運糧至京倉。北直隸并河南、山東衛所限五月初一日。南直隸并鳳陽等衛所限七月初一日。若過江支兌者限八月初一日。浙江、江西、湖廣都司衛所限九月初一日。其把總都指揮及千百戶等官。違二十日以上。住俸待罪。僭運若連三年違限者。遞降一級。二年不違限者。獎勵。三年者。

旌擢俱奏請定奪。○正德十四年令京通二倉坐糧員外并薊州管糧郎中將各總衛所運官違限久近查明送部行各巡按自把總以下通提到官查係限外三箇月上完糧者問罪住俸半年五箇月上完糧者問罪住俸一年各照舊領運若至次年二月終不完及一年以上不赴運者俱問罪降二級回籍閒住。○嘉靖二年令部倉查各官到部完納月日比先早一月者指揮等官行原官司量加犒勞以後三次俱早一月准於實職上陞一級。○八年議准山東北直隸所屬衛所限四月初一日完江北直隸鳳陽等處并遮洋總所屬衛所限五月初一日完南京江南直隸所屬衛所限六月初一日完浙江江西湖廣衛所限七月初一日完違限者聽總督并巡倉監督監兌坐糧撫按等官提問參究。○又議准監兌官會參過違限運官戶部參覆劄付下年監兌官到彼提問歸結。○三十七年題准上倉期限比舊例俱移前一月四月初者限三月五月初者限四月六月初者限五月七月初者限六月違者總巡衙門分別參究罰俸降級若南京併江南直隸各衛所兌江浙二省糧米江北衛所兌江南各府糧米領運官違限查照二省并江南事例參治。

凡寄囤弘治十二年奏准把總官所管運船俱以十分爲率若有一半以上違限寄放德州等處不到倉者令漕運都御史提問降一級納米完日照舊管運一半以下者參來提問。○嘉靖二年題准運官故違期限寄囤守凍把總至三千石指揮至二千石千戶至一千石百戶至五千石者每一次降一級若所寄

不及石數者照常發落。旗甲不服催價。在途延捱者。發邊衛充軍。仍于本戶勾補。民運委官提問。凡起糧腳價。弘治十八年。令張家灣水兌糧米腳價。每石原定一錢者。減作八分。天津衛寄收糧米腳價。每石原銀一錢五分者。減作一錢二分。其扣下京衛事故。官軍兌支不盡正耗之數。及明加免曬折蓆等項。有米者。俱准運赴通倉上納。無米者。每石折銀五錢。與腳價銀兩。俱送太倉銀庫交收。○正德九年。奏定起旱腳價。自張家灣至京倉。晴乾日。每銀一兩。起載糧米一十七石。陰濕一十三石。天色初晴。道路猶濕。一十五石。張家灣。里兒寺至通倉。每銀一兩。起載二十三石。長店兒至通倉。四十石。灘子里至通倉。五十石。自十年以後。各總運船到灣之日。即將前項腳價。於戶部委官處。驗封交收。以憑支給。○嘉靖八年。議准通惠河經紀船腳。每糧一石。銀二分一釐一絲八忽二微。六開水腳。每石銀九釐一毫三絲九忽一微。車戶車腳。每石銀一分四釐八毫四絲二忽七微。京通倉歇家包圍。每石銀八釐五毫。曬夫飯米。每船一兩一錢。小腳抗糧到圍。每石四釐。雇人抱籌。搥斛。打捲。每石七毫。買墊圍草。把每船二錢。買掀掃把。斗每船三錢。軍斗籌價。每石銀五釐。京倉蓆板。隨船帶至大通橋。蓆令車戶帶運。備雨。每板一片。木一根。各准米一石。起腳京通倉。運官交糧。紙劄銀。每處二兩。官軍房水銀。指揮三兩。千百戶各二兩。旗軍每船京倉一兩二錢。通倉一兩。各該把總。遇糧運到倉。呈驗輕齋之後。先將前銀交送京通二倉坐糧員外收貯。提督官給發印信文簿各二扇。一扇查收。一扇查給。在運官者。運官領用。在倉中者。歇腳領用。

凡優恤官軍。洪熙元年。令運軍除正糧外。附載自己什物。官司毋得阻當。○天順三年。題准。淮、徐、臨、德、濟、寧、通州等處藥局官給藥餌。遇官軍患病。隨卽調治。○成化元年。奏准。各處運糧旗軍附帶土宜物貨。河西務、張家灣等處。免其稅課。○八年。題准。被凍官軍給與口糧。每軍三斗。去德州迤南者。給一箇月。天津迤北者。給兩箇月。明年上運。將該年口糧。照數扣除還官。○九年。奏准。官軍盤剝費用。正糧不敷。總督等官。出給印信文憑。付把總官。於太倉折草等項銀內。借與完納。下年照數送還。○弘治五年。令運糧官旗借貸。係三年以前者。盡革罷。近年者。止照律出息。果有窮困。衛所缺少腳價者。許於太倉量借銀兩完納。下年送還。○十五年。題准。附帶土宜不得過十石。○正德六年。令運軍果有餘米。准令置買。隨船弓箭鎗刀等件支銷。仍行漕司。候船回過。准查點。○十一年。題准。在運官軍身故。寄歸遺骸。官給銀三兩。軍給二兩。仍存卹二年。本軍應支月糧羨餘。通行給與。○嘉靖三十九年。題准。工部抽分廠。凡遇糧船。除土宜四十石外。許驗客貨。如無。放行。不許立掛號名色。以誤期限。○隆慶二年。題准。糧銀無欠。完掣通關。就將本總本幫給軍羨餘銀。分給把總二十兩。指揮十兩。千戶六兩。百戶四兩。餘仍給軍。以資回南。○萬曆七年。題准。每船許帶土宜六十石。多者盡數入官。如遇淺起剝。自備腳價。先將土宜起盡。舟再難行。方許動給官銀。敢有破冒。照例參治。○八年。題准。領運等官。應給盤纏。但經以贓私不法參論者。盡行停給。完報違限三月以上。而過淮先期。依期。與完糧不違限。而過淮後期。及淮北例不過淮。而完糧違限三月以上。各

給一半。過淮後期完糧。違限三月以上。給與三分之一。完糧違限五月以上。不論過淮先期。盡行停給。運軍應得羨餘。姑准給與。其停扣銀兩。俱類解太倉。○十二年議准。運軍中途病故。預支安家月糧。俱免還官。仍優卹二年。其遺下行糧。給本船旗軍。以充雇募。免下年扣除。若中途脫逃者。獲日問罪。仍追安家月糧還官。○又議准。運軍土宜。監兌糧儲等官。水次先行搜檢。督押司道。及府佐官員。沿途稽查。經過儀真。聽僭運御史盤詰。淮安。天津。聽理刑主事。兵備道盤詰。六十石之外。俱行入官。前途經盤官員。徇情賣法。一併參治。其餘衙門。俱免投文盤詰。

凡漂流。正統七年。令漕運官軍。若一衛有數船遭風漂流者。委官覈實。全衛改撥於通州及天津倉上納。○天順八年。令官軍運糧。或遭風水不測。損壞船糧。若在百里內者。務要府州縣正官。在百里外者。許所在有印信官司勘實。結申總兵等官處。如有詐妄。罪坐原勘官。糧米仍依原定。分數交納。○成化十二年。勅總兵官。各衛所。果有遭風所在官司驗實。打撈濕米。就令該管指揮等官。分派各船食用。抵換原帶食米上倉。不許故意單幫在後。凡漂流補除腳價。俱要當年完足。若延至下年者。管運衛所官員。通行住俸。糧完方許關支。管運官旗。雖經補完。仍照例查送法司問罪。○十六年。令遮洋船。運糧薊州者。如遇風水漂流。照淺河船例。該撥補數。○弘治二年。奏准。漕運糧。遭風漂流者。勘實具奏。將兌運京倉。減除通倉上納。如漂流十石。減除一百石。每石省腳價米一斗。以補漂流之數。正糧照例加耗。所省米兩平收受。若通

倉缺。厥仍令赴京倉上納。每漂流一百二十石。免曬一千石。亦兩平收受。每石計省曬折米五升。并耗米七升。共一斗二升。以補漂流之數。前項米石。俱不挨陳。先行放支。○三年。令漂流糧米萬石以上。都御史總兵官俱聽科道糾劾。戶部具奏定奪。千石以上。提問把總官。千石以下。提問本營官旗。各該巡撫。遇本境漂流數多者。照漕司事例參究。○嘉靖八年議准。沿途遇風。損壞船隻。漂流糧米。許赴所在官司陳告。掌印官親詣漂流處所。勘實具奏。仍候本部轉行巡按御史。覈勘明白。方與除豁。如有乘機侵盜。扶同勘報。就將漕運官軍。并有司官吏。通行參送法司問罪。俱發邊衛充軍。○二十二年議准。今後過洪閘。遇風淺等項。船存糧漂者。審果不係官軍侵盜費用。就將該幫官旗。應給羨餘銀兩。給與該總把總官領發。損失官旗。責限買米上納。或買不便。就將前銀。每石扣銀七錢。徑解各該倉庫收支。折糧應用。如該幫官旗羨餘銀數不足。損失米價。將該衛該總運內扣除。務要當年補足原數。如扣除餘剩。照舊給軍。○三十九年題准。運官漂流糧米。許將本衛羨餘銀。相兼處補。聽候補還。若至二年之外。仍不處補。卽行查解太倉。查解之後。雖有應補掛欠。俱不准與處豁。假捏漂流及別衛者。不許混告轉補。○四十四年題准。小患漂流。止以二百石爲率。該總勘結。呈報准行。若出二百石外。仍照大患漂流事例。具奏勘明。方與准處。○隆慶二年題准。輕齋銀兩驗後。總計某總下。某幫。大患漂流若干。免曬減除等項。補過若干。小患漂流若干。本船腳費等項。應補若干。其各不敷。小患先儘本幫。次及本衛。大患先及本幫。次及本總。如數

足于本幫同衛別幫者照常給軍數足於本衛同總別衛者照常給軍如遇非常大患扣及槩總均派各衛所數足亦照常給軍○六年題准把總等官原運糧二萬石漂去一千石以上或二千石漂去一百石以上降一級如原運糧一萬石漂去一千石以上或二千石漂去一百石以上降二級俱於祖職上實降不得復職若能自補完不費別軍處補者免罪○萬曆元年議准凡官旗漂流船糧卽赴所在督押司道陳告當日委官親勘具奏收糧之日減除免曬處補若未經奏到雖有執照卽係假捏不得一槩混支其起欠掛欠明係侵欺與漂欠不同不得妄援前例○六年題准如遇漂流在楊子江者先赴催僱把總處具告一面赴督押司道官處告委有司相去一百里者限二日一百里外者限四日勘實呈漕司卽與具奏除豁如有違限扶捏等弊卽將勘官參問官旗分別捏報漂欠虛數多寡問擬重罪其河道漂流者責令本幫補納不敷量動槩幫潤米攤補不得一槩奏豁○十二年題准漕運官軍如有水次折乾沿途盜賣白度糧米短少故將船放失漂流及雖係漂流損失不多乘機侵匿捏作全數賄囑有司官吏扶同奏勘者前後幫船及地方居民有能覺察告首督運官司查實給賞輕齎銀十兩官軍不分賊數多少俱照例發邊衛永遠充軍有司官吏從重問擬仍行原衛所將失事之家家產變賣抵償不許輕扣別軍月糧以長姦惡前後幫船知而不舉一體連坐仍於正犯所欠錢糧內責令幫陪十分之三○又議准漂流糧米三千石以上提問把總官不及數者止提問本管官旗○又議准漕運把總指揮千百戶等官如有漂

流數多。把總三千石。指揮及千戶等官。全幫領運者。一千石。千戶五百石。百戶鎮撫二百五十石。俱問罪。於見在職。級上降一級。有能自備銀兩。不費別軍羨餘。當年處補完足者。免其問降。若願隨下年糧運補完。亦准復職。止完一半。准復一級。三年內儘數補完。亦准復原職。

凡掛欠。正德十四年題准。把總官掛欠糧一萬石以上。或銀二千兩以上。於違限上。各遞降一級。每糧一萬石。或銀二千兩。各加一等。指揮以下。掛欠糧一千石以上。或銀五百兩以上。亦俱于違限上。各遞降一級。每糧一千石。或銀五百兩。各加一等。把總指揮千戶。降至總旗而止。百戶降至小旗而止。掛欠不及數者。照常論罪。候下次能補完。許復原職。以十分爲率。完能五分以上者。准復原降一級。三年內全完者。亦准復原職。若延至三年外全不完者。終身不准。後子孫亦止于降級上承襲。○隆慶四年題准。掛欠官旗。有先期逃回者。移文漕司。并各巡按。嚴限提解。監追完日。仍照棄撇船糧。逃回例。問擬發遣。○六年題准。運官欠糧千石以上。旗甲百石以上。參送法司。不及數者。嚴限比併。完有次第。押發漕司追併。其在逃者。運官四百石以上。旗甲五十石以上。嚴提來京。送法司監追問擬。若旗甲欠不及數。輒棄在逃。許令運官。即時呈部。行漕司提問。○萬曆二年題准。掛欠官員。果故絕。無人承襲。將原欠糧銀除豁免追。以後把總官任內。如分毫顆粒掛欠。縱陞遷。不許離任。敢有朦朧赴任者。參提革任。問罪監追。○十二年議准。運糧官旗。掛欠數多。把總名下三千石。或銀一千五百兩以上。指揮名下。及千戶等官。全幫領運者。一千石。銀

五百兩以上。千戶五百石。銀二百五十兩以上。百戶鎮撫等官二百五十石。銀一百二十兩以上。各遞降一級。每一倍加一等。有能當年補完者。通免降級。如下年補完。及三年內全完者。准奏復原職。其一應提問官旗。各省及直隸江南衛分。行各該巡按御史。南京并江北衛分。行漕運衙門。各就近提問。以便完結。凡官軍罪犯。宣德九年。令漕運官軍有犯。罰運淮安。徐州倉糧。赴京贖罪。流罪五十石。徒罪五等。自四十石至十五石。杖罪每一十一石。笞罪每一十五斗。○正統三年。令各衛所運糧官。有比試違限者。俱住俸。於淮安倉支。該運米數。赴京完納復俸。○又令犯罪罰運者。仍運該運之數。無力者。發極邊衛分。○四年。令運糧官軍。雜犯死罪者。比流罪加納米三十石。共八十石。於淮安。徐州倉支運。○景泰七年。令運糧官軍。犯罪者。照例納米收贖。罷罰運。准徐糧例。○嘉靖八年。議准淮安。清江浦。各管廠指揮。千百戶等官。有犯。比照運糧官員事例。聽漕運衙門提問。若犯該充軍。爲民。降級。調衛罪名。問完之日。奏請發落。○又議准湖廣。浙江。江西。江南等五總。但係考定。或委官造船官員。自指揮以下有犯。照依江北清江廠事例。徑自提問。

漕船

永樂十二年。令湖廣造淺船二千餘隻。於淮安各倉支運。○宣德五年。奏准。運糧官軍船隻。南京中都留守。及直隸衛所。於淮安修理。有司給與材料。○正統八年。令糧船損壞。撥附近地方。木料辦納。於清江提

舉司修造。工部差官一員。監督各衛所。仍差撥官軍。蓋立廠房。相兼匠作用工。及貼辦物料。○十三年題准。遮洋船三百五十隻。原係南京、淮、揚等衛官軍駕使。每歲由直沽以東三汊河過。赴林南東店等倉交納。梁闊底深。閘河水淺難行。以後糧完日。仍在臨清閘下灣泊。于衛河提舉司關支物料修艖。○天順二年題准。衛河、通州、淮安船廠。修造船隻。松木二年小修。三年大修。五年改造。杉木三年小修。六年大修。十年改造。小修者軍士自備修理。大修及改造者撥支木料。於各衛運糧官軍數內。摘留在廠。同清江衛河二提舉司官匠修造。仍催木到木料。拖欠班匠應用。○成化十六年題准。將浙江、湖廣、蕪湖三處抽分木植。大者盡送清江衛河提舉司。小者變賣。准作腳價。餘數解部。每年該兌民糧三百三十萬石。每石加耗一斗。着落各把總官員。照時價賣銀。解二提舉司給軍。其有司木料價銀停止。○二十三年議准。該造遮洋運船。照依淺船裏河木料。一例打造。○正德十四年題准。運船料價。以十分爲率。軍辦三分。民辦七分。○嘉靖三年題准。輕齎羨餘銀。差官解淮安府。聽漕司將漂流船隻。次第補造。俱限百兩一隻。查有缺船。衛所先將木衛補足。方通融于本總。定日給領。至灣聽巡倉坐糧官看驗印烙。○十四年。令上運船隻。原定行糧三十三石。其有損壞。就將行糧存省。解赴漕司。聽作小修工費。○又題准。各衛運船。遇有損壞。修理不完者。一體俱作存省。各船旗軍。俱令在衛查照漕規辦料。解赴漕運衙門。聽作小修工費。如糧多。船隻不敷。許令各船分載。不許借支存省旗軍行糧。○二十年題准。將南京戶部貯庫。鹽引祇價積餘銀。每

年支一千七百四十八兩。兵部武庫司收貯缺官柴薪銀。每年支一千兩。聽候總督漕運差官支領造船。○二十四年題准。將軍三民七船料。責令有司軍衛依期徵扣。八月以裏給發興工。如至九月終不完者。住俸半年。十月終不完者。住俸一年。應造船隻限十月終。駕赴水次。如十月以裏造船不完。底船不到。廠管廠各委官住俸半年。十一月終不完。不到。各住俸一年。十二月終不完。不到。各降二級。○三十二年議准。漕運各總原額淺船一萬二千一百餘隻。分隸各廠管造。自今年爲始。比照軍船不到水次事例。如過年正月終船造不完。底船不到。廠者。將管廠并押底船官各住俸半年。二月終不完。不到。廠者。將領運指揮該廠造船千百戶并押底船官各住俸一年。若至三月終不完。不到。廠者。連管廠把總并廠運指揮千百戶各提問降二級。俱聽漕司勘明覈實具題參降。其造船完日。具呈漕運衙門驗明印烙。給軍領駕。若湖廣等廠路遠。隨幫過淮。一體查驗印烙。或有釘稀板薄。造不如式。侵費料價。底板船不能完者。坐以贓罪。從重問擬。干礙把總官一體參究。○三十八年題准。浙江糧船行令北新關設廠。工部抽分主事兼理打造。○隆慶六年題准。上江總四衛淺船。在安慶廠打造。聽新設副使提調。九江衛在本處打造。聽九江道提調。下江總六衛。在蘇州廠打造。聽糧儲參政提調。原設把總等官。盡行裁革。○萬曆九年議准。浙江漕船。先因瓜洲車壩。將雜木作底。五年一更。後因建閘。得免車盤。改限七年。今改楠木計價一百二十七兩。必駕運十年以外。方許另造。

漕禁

宣德二年令運糧軍船工部及諸衙門不許撥載他物致悞僂運○成化六年令提督漕運等官嚴加巡察若有運糧官軍沿途糶賣糧米者就便拏問及行京通等處管糧巡倉等官禁約各倉隣近之家不許收賣糧米囤放賣於運糧官軍有犯拏問并把總各衛所該管官員一體治罪○十年令漕運軍人許帶土產易換柴鹽每船不得過十石違者盤檢入官○二十一年題准管運指揮等官有借債至一千兩以上者革去冠帶五千兩者住俸一萬兩者降一級不許管軍管事○弘治三年奏准各處兌過糧米務照原兌樣米上納若官軍人等將原兌好米沿途糶賣卻糶陳碎及插和沙土糠粃麤穀等項抵數者驗出將各該指揮等官參送旗軍徑送刑部查照侵盜邊糧事例問擬仍換好米上納○十二年奏准把總等官縱容旗軍花費腳價及私下還債以監守自盜論罪立功滿日帶俸差操債主以盜官物論罪勢家官員奏請發落家人伴當發廣西烟瘴衛分充軍○十三年令運糧衛所各置文簿一扇凡兌過糧數并腳米多寡一應盤費使用及侵欺債負等項逐一附寫事完之日送漕運衙門查究○又奏准官軍漕運將正耗糧米照數交兌不許折收輕齋及中途糶賣違者軍餘欠十石小旗欠五十石總旗欠一百石以上者俱問發邊衛哨瞭百戶欠三百石千戶欠五百石指揮欠一千石把總都指揮等官欠三千石以上俱問發原衛帶俸差操若總欠數多總督漕運總兵等官另行奏請定奪原賣官糧責付領運交納所得價

銀人官。○凡勢豪舉放私債，交通運糧官，挾勢擅擊官軍，縛打凌辱，強將官糧准還私債者，問罪屬軍衛者。發邊衛充軍。屬有司者，發口外爲民。運糧官參究治罪。○凡漕運船隻，除運軍自帶土宜貨物外，若附帶客商勢要人等，酒麪、糯米、花草、竹木、板片、器皿、貨物者，將本船運軍并附載人員參問發落。貨物入官。其把總等官有犯降一級，回衛帶俸差操。民運船不在此例。○凡楊村、蔡村、河西務等處，如有用強攔截民運糧船，在家包雇車輛，逼勒多出腳錢者，問追給主，仍發邊衛充軍。○十七年題准，把總等官敢有指稱打點饋送，計船科取，許被害旗軍，具告漕司提問，如將已物稍派各船，希圖覓利，或攬客商貨物取其雇值，或寄裝在京勢豪人等土產，負累旗軍，出陪腳價，亦許首告所在官司，照例盡數入官。○正德十五年議准，運糧官員到灣之時，腳價不敷，許赴漕運官處告理，如有私自借債，累軍償還者，漕運衙門徑自訪察，從實參奏。○又議准，凡將尙堪撐駕運船，捏作損壞，通同盜賣，得價脫逃，及勢豪強奪拆卸者，監陪完日，查照盜賣錢糧事例問罪。○嘉靖六年議准，管運官旗人等，上納糧米，驗與原樣米不同者，官候糧完類參，行各巡按御史提問。旗軍過淮之日，漕運都御史提問。○又議准，運糧入倉，不許門官歛家伴當光棍人等，措留糧袋，索要銀錢，緝事衙門訪出，照依打攪倉場事例，問擬發遣。○七年，令漕運衙門各總衙所，不許剋取行糧輕齋等項，及置辦酒、米、段、疋紗、羅，并各土宜饋送，交通賄賂，事發擊問重治。○八年議准，司府州縣管糧官，各於水次，同兌運官，將成化十五年原頒，永爲法則字樣鐵斛，與依式成造，印記。

木斛較量相同。就便交納。如有將私造大斛大斗。用強交兌者。監兌官及撫按官。依律照例拏問。○又議准。遮洋船由海道經涉梁城守禦千戶所。寶抵縣。皇莊白龍港。新舊倉。龍王堂一帶地方居民。弓兵。官校人等。敢有在於河路張布罾網。阻礙船隻。及稱盤詰。因而集衆搶奪財物者。撫按衙門。及鄰近管糧。管河郎中。主事等官。拏問。搶奪財物滿貫以上者。兇犯枷號一箇月。照例發落。○又議准。經把總持闌壩。及光棍指稱。勢要名目。詐騙漕運軍船財物。或刻關防私記。號爲條子錢等項名色。橫行索取。或在車營等處。包攬起剝。因而勒措加增腳價者。巡倉御史。管倉員外。及所在官司究問。照例從重議擬。奏請發落。○又議准。官軍通同無籍光棍。盜賣軍船。各從重追問。監陪原船。完日問罪發落。○又議准。把總指揮千百戶等官。索要運軍常例銀兩。及科索至十兩以上者。問罪降一級。二十兩以上者。降二級。三十兩以上者。降三級。四十兩以上者。降三級。發原衛帶俸差操。再不推用。至五十兩以上者。問發邊衛充軍。跟官書算人等。科索軍士銀物。侵欺人已。至十兩以上者。問發永遠充軍。○又議准。侵盜在官糧米至四十石。銀二十兩。錢帛等物。值銀二十兩者。俱問罪發邊衛永遠充軍。糧至百石。銀至百兩以上者。斬。○又議准。京倉軍民運糧到日。聽其自行雇覓各倉囤基。囤放糧米。不許抽錢。以爲伴當。官攢斗級常例。亦不許運官旗軍饋送土宜。若小脚歇家營求。在官指稱公用爲由。索取囤基等項財物。及別項求索情弊。於本倉門首枷號一箇月。滿日送法司。依律問擬。軍發邊衛充軍。民發口外爲民。干礙內外官員。奏請定奪。○又議准。領

運官員。如有侵扣運軍月糧行糧。多索船料等項銀兩者。查出賊私。俱照監守自盜事例。問擬發落。○又議准。運糧官軍人等。犯罪輕提三次。不到官問理。皆准照原供賊罪。行令該衛追贓。完日仍申巡按御史。各照前例擬罪發落。○又議准。運官違限。內總督。并內監督衙門。有擅科一輒。罰銀一錢者。聽戶部與提督御史指實參究。○十三年奏准。今後運軍脫逃。分別次數。初逃一次者。照常發落。二次者。枷號一箇月。方許收運食糧。三次者。照依操軍事例。俱調衛。○又議准。把總都指揮指揮等官。如遇漕運衙門差委查盤。止許催儻該管衛所船隻。不許營求別差。以圖賄賂。亦不許假以該管衛所借債爲由。令其買賣。負累軍士。遲悞糧運。違者聽總提督衙門。并巡倉巡河御史等官。參奏拏問。○二十年議准。今後進倉糧米。仍令運官照舊摺斛。進完報曬。若有臨倉掛欠。照數陪補治罪。不許守門官軍人等。假以合子米爲由。徇情故違。一槩擾害。○二十二年議准。令後司府州縣。受理軍民詞訟。干礙運糧官軍。如係強盜人命重情。備行知會漕司。委官拘問。其餘賊私小事。將原詞抄行漕運衙門。照例候交糧完日。發理刑主事問理。不許徑自拘繫。○萬曆九年題准。備行各監兌官。及兼理漕糧御史。將該兌糧米。眼同州縣官。并運官看驗明白。交兌。取具有司結狀。運官領狀。備將緊要數目字樣。用印鈐蓋。各一樣四本。一存監兌委官。一送漕運衙門。一送戶部。一送總督衙門。案候收糧。如米色與結狀不同。卽係官旗插和。若有司縱容糧長將爛米。搪塞。不肯從實結報。各從重參究。○十二年議准。軍旗有欲呈告運官不法事情者。許候糧運過淮。并完

糧回南之日。赴漕司告理。如赴別衙門挾告詐財者。聽把總官就拏送問。犯該徒罪以上。調發邊衛充軍。另拘戶丁補伍。○又議准。凡漕運官軍。敢有水次折乾。及中途糶賣。以致抵壩起欠。及臨倉掛欠者。卽係侵欺。除正犯查照律例問擬外。其餘官旗。仍各總計名下欠數。總小旗欠一百石。問發哨瞭。百戶鎮撫欠二百五十石。千戶欠五百石。指揮及千戶等官。全幫領運者。欠一千石。把總官欠三千石。俱問罪降一級。發原衛所帶俸差操。有能臨時設法。買補完足。止作折賣正犯。各官旗免罪。其雖不係侵盜。但有虧折。俱照前例擬斷。若總欠數多。及竊惡不堪。至三萬石以上。總督、總兵等官。另行奏請定奪。○又議准。漕運把總指揮千百戶等官。索要運軍常例。及指以供辦等費。爲由科索。并扣除行月糧。與船料等項。值銀三十兩以上者。問罪立功。五年滿日。降一級帶俸差操。如未及三十兩者。止照常科斷。其跟官書算人等。指稱使用。科索軍人財物入己者。計贓論罪。如至二十兩以上。發邊衛充軍。○又議准。衛所官完糧後。備造支鎖數目呈報稽考。若有造報不明。及侵欺靠損情弊。許運軍指實首告。各查照律例。從重問擬。把總官失于覺察。參問治罪。○又題准。凡漕運錢糧。有侵盜銀三百兩。糧六百石以上。俱照侵盜本律。仍作真犯死罪。係監守盜者。斬。係常人盜者。絞。

民運

正統十三年題准。白糧船編置字號。送沿河各官催督。及行輒廠免帶輒。○成化六年奏准。蘇松等府運

糙白糧米。係官造船隻。每船僉撥納戶五六名。多不過十名。領駕來京。行收糧衙門。驗無糠穀沙土。免其曬揚。卽與收受。○弘治七年題准。行河西務。遇白糧米剝船到關。俱免納料。卽時放行。仍行各鈔關一體驗放。○嘉靖元年題准。民運白糧照兌運事例。每十月終徵完。委官十二月以裏。運至瓜洲。聽僭運郎中催僭。次年正月終不完者。將府州縣管糧官提問。住俸半年。三月終不完者。住俸一年。仍令戴罪催徵。若延至五月終不完者。將府州縣掌印等官通提。各降二級。蘇松常三府限正月以裏。過淮。八月初一日完納。若限外三箇月上完者。住俸半年。五箇月上完者。住俸一年。至次年二月終不完者。問罪降二級。○隆慶二年題准。民運糧行各撫按委府佐貳官一員爲總部。州縣佐貳官一員爲協部。正月以裏。督行開船。定限六月以裏完納。如部運官不依期催解。違七月終限者。住俸三月。違八月終限者。住俸半年。違九月終限者。住俸一年。違十月終限者。降級。歲終不到者。比罷軟例罷斥。各掌印官遞降一等。○六年題准。民運白糧。責令糧長設處船隻。同運官幫次。開程過淮。洪入閘。漕務參政督催。與軍船一體輓拽。仍許量帶土宜四十石。免其納稅。○萬曆九年議准。行漕司及各巡撫。將江南五府應運白糧。令各糧長。仍雇五百料中船。勿令夾帶私貨。應得水脚當官議定。先給一半。其餘印封。船過徐州總部官驗給。○又題准。每歲解京白糧。務點殷實糧戶。正身解納。不許棍徒包攬。應運米數。先儘本名。如有官戶銀米。責令運送倉庫。轉給領解。以杜短少。陪累船隻。許令糧長自雇。五百料中船。每百石定給銀三十三兩。埠頭等役。悉行查

革。經過鈔關。如果止於土宜四十石。免其納稅。糧至丁字沽以北。河西務主事。卽照軍糧所定脚價。撥船起剝。徑交經紀搬抗過壩。不許仍前寄囤。如有積棍攪解。歇家科擾等弊。聽巡視科道參住。糧完之日。解戶批單。給發部運官領回類繳。各有司不必監比家屬。仍刊稽弊文票。聽巡倉御史查給稽覈。

空運

成化二十年題准。遮洋支兌三十萬石。除天津等倉六萬石外。將薊州二十四萬石內。改撥十萬石。豐潤倉交收。以備山海遠衛官軍支給。○弘治九年題准。運本色十萬石。赴薊州倉上納。折色十四萬石。運送永平庫收貯。以便官軍月糧。○嘉靖二十九年。命撥漕糧二十萬六千餘石。接濟密雲。昌平兵馬。○三十年題准。薊州班軍六萬七千員名。該行糧十三萬四千石。於漕糧內撥運。○三十四年題准。密雲主客糧米內。量改六萬石給昌平支用。○三十五年。減免密雲。昌平原撥漕糧五萬石。○三十九年題准。令運官將漕糧運密雲鎮七萬石。昌平鎮三萬石。并行糧一十四萬四千三石三斗。徑運該鎮。歲以爲常。○四十四年。以薊。永。分鎮。撥薊。鎮本色十萬石。折色八萬四千石。撥永平折色五萬六千石。○隆慶三年題准。除原派薊鎮倉糧船隻。照舊外。仍將臨清。德州。各水次。應兌漕運坐派昌密二鎮。以便北衛所軍船。就近派兌。工部設廠。戶部委官監收。就與領運。以免進倉出倉繁費。其應用脚價船剝。該扣米一萬一千六百一十二石。每石五錢。行令有司徵銀一萬八百六兩。隨糧起解。以備空運。○六年。以潮。白二湖通。令密雲漕

糧。舊發一十萬石。外加增五萬石。由新修河道。運赴該鎮隆慶等倉交納。仍於該鎮客兵年例銀內每石扣銀七錢。存留太倉。○又令鞏華城官軍月糧。并先額漕糧四萬石。俱由通河運至奠靖倉。將薊鎮永、鞏、昌、標四營軍糧。九箇月本色。并長陵等八衛別項官軍月糧。俱由奠靖倉就近關支。○萬曆九年。題准奠靖倉原撥漕糧十五萬石。內將二萬石。自沙子營陸運。改撥居庸倉收貯。轉放居庸、黃花、橫嶺、三路官軍月糧。以免召商勞費。其搬運腳價。奠靖倉每石銀四分。今每石加一分。共加銀二百兩。責令殷實商役領運。○十一年。議准營州左屯衛官軍月糧。遠赴迪倉不便。自萬曆十二年爲始。每年漕糧到日。通州管糧郎中撥發二千五百石。就令昌鎮運糧經紀。自通州水運至順義縣小東莊。每石給腳價銀三分七釐五毫。自小東莊陸運至城。每石給銀五釐。俱在隨糧輕贖銀內動支。該衛官軍逐月關領。

明會典卷之二十八 戶部十五

【會計四】

【京糧】

天下稅糧草料應解京庫倉場者數見起運皆因糧徵派總謂之京糧其本折間行官解商納歷年事例不一具載于後

凡派納本色洪武間令于蘇常等府秋糧內派辦內府光祿寺等衙門合用熟粳糯米芝麻黃豆等項及五府首領官吏并九卿等衙門官吏俸米各撥定數目運赴各衙門倉內收支○成化七年令山東并北直隸司府以後年分起運在京內外倉場糧草俱要照例徵收本色解納不許折收輕齎銀兩若地方僻遠不便者量爲斟酌時價折收於近京有收去處買納不許在京收買○弘治十八年奏准宛平大興二縣夏稅秋糧馬草係起運者照舊坐派在京倉場各馬房上納係存留者就於本縣預備倉上納○正德七年奏准今後各項解京糧料務徵本色責令原僉解戶親自管解不許折收價銀及容人包納若不係出產去處原該折價買納者批文內明開原價數目若京價時貴暫令儘數買納或與收價仍開已未納數目給文回原籍官司添價補納○嘉靖三年令內官監收受白熟糯米并粳米每正糧一石加耗一斗

不許分外多收。巡視光祿寺科道等官帶管訪察。如有軍餘脚子內使內官人等。勒索財物。多收侵尅等弊。聽各官拏問參奏。○九年題准內承運等庫并各監局。見積餘米。足勾三年支用。不拘有閏無閏。每年再減派一萬二千餘石。浣衣局米多人少。量留粳米五十石。餘聽本部查給附近京衛官軍月糧。○奏准直隸蘇松常三府。起運內官監白熟細米。每石耗米二斗五升。車脚銀四錢。船脚銀六錢。白熟粳米每石耗米二斗八升。車脚銀三錢五分。船錢糙米四斗。貼夫糙米四斗七升。供用庫酒醋麪局白糧米。每石耗米車脚銀船錢俱同。惟貼夫糙米五斗。光祿寺白糧米。每石耗米二斗五升。宗人府并五府六部都察院神樂觀等衙門。本色糙米。每石耗米四斗五升。中府祿糙糧。每石耗米六斗五升。俱車脚銀四錢。船錢糙米四斗。貼夫糙米五斗。浙江杭嘉湖三府。俱照此派納。不許違例加增。○十二年議准浙江嘉湖直隸蘇松等府解納白熟粳米。照今司禮監查過各監局。見在供事內官。長隨內使。火者淨軍人等。實該用米數目。均派徵納。其正德年間加增之數。均勻遞減。改回存留。并金花等銀。以惠小民。○十四年題准。今後山東派納太常寺神樂觀。歲用小麥。芝麻。黃豆。照數徵銀解部。聽寺領回分給。○又題准光祿寺上用白熟細米。照舊每石加耗一斗。內官監供用庫酒醋麪局。光祿寺內府各衙門。并府部等衙門。白熟粳糯米。每石止加耗五升。有多徵及將粗惡上納。查參究治。○凡改解折色。洪武間令各處官田糧折收鈔絹金銀綿苧布。及夏稅農桑絲折絹。俱解京庫收支。○正統元年。令浙江江西湖廣三布政司。直隸蘇松等府縣。

該起運南京糧米。願納折色者。折納布絹銀兩。廣東、廣西、福建三布政司。折色稅糧布疋。願納銀兩者。俱米麥一石。折銀二錢五分。解京折給軍官俸糧。○二年。令各處解到秋糧。折銀赴部。出給長單。關填勘合。送內府承運庫收貯。○七年。令南直隸各府州縣。夏稅農桑絹疋。願納折色者。每疋折銀五錢。解京准作軍官俸糧。○又令廣西布政司。土官衙門不通河道去處。歲徵糧米。折收銀兩。通類解京。○八年。令廣東、福建二布政司。查勘各處倉糧。扣算常存本處官軍俸糧三年。沿海衛五年。餘剩之數。每米一石。折銀二錢五分。解京發各邊折給俸糧。及糴糧備用。○九年。令廣西布政司各府州縣稅糧。自正統十年以後。每歲以四萬石。折徵銀兩。解京。其餘存留本處備用。○景泰五年。令山東折徵起運京庫綿花。每十斤准米一石。○天順二年。令湖廣長沙府田糧。自景泰七年爲始。實徵內每歲以二十萬石。折徵綿布二十萬疋。一半解京庫交納。一半存本司府備用。○弘治十七年。令蘇州、松江、常州三府。闔白綿布。以十分爲率。除六分仍解本色。暫將四分。每疋折銀三錢五分。解部轉發太倉收貯。如遇官員折俸。及賞賜軍士冬衣。不敷。照例每疋給銀二錢五分。自行買用。積餘銀兩。候解邊之用。○十八年。議准河南、山東、北直隸起運京儲小麥。每石連耗徵銀七錢。大麥。每石連耗徵銀四錢。解部收貯。每秋選委的當官員會同巡倉御史。召商定立斗頭糴買。分派各倉上納。完日照數給領價銀。或遇米賤時。就將前銀照依時價。折放在京各項官軍月糧等項。積餘作正支銷。○正德四年。奏准山東濟南府新城縣。原起運紫荊關新城倉。及原坐

德州倉改撥京倉各粟米每石折銀九錢新城倉收候籴買京倉者送大倉銀庫收候米賤折作官軍月糧○嘉靖十三年題准河南起運派剩各馬房倉粟米黑豆每石折銀五錢共折銀五萬一千四百九十六兩一錢二分內扣留三萬兩分給王府并各衛所官軍祿俸月糧餘仍解部以備支用

凡差官解納景泰四年令各處糧夫運頭於各倉納完通關俱送戶部驗過給付委官總領回繳方許管事○成化十三年奏准兩京農桑夏稅絹疋不及五十疋以上者俱送該府掌印官看驗堪中兩頭盡處俱用色絲間道填寫提調官吏糧里姓名用印鈐記總給府批各另計事州縣絹數類解交納總取無欠長單備照○弘治三年令各司府州縣夏稅農桑絹疋務織造緊密厚重雙經雙緯除兩頭色絲長二尺外淨織鈔尺長三丈二尺闊二尺每五十疋作一束印封通寫看驗掌印正官於上責差額設官員通押經收糧長大戶人等赴部交納○七年議准通行各處撫按官行令各該所屬司府州縣凡有解納一應錢糧不拘本折色當官驗收定與腳價付應解之人解納不許容令勢豪狡猾之徒營求頂解以致侵欺抵換違者經該官吏人等通併參奏拏問○十五年議准各司府起運京邊稅糧三千石以上州縣全設者差佐武官裁減者差首領官各一員部運直隸府州并布政司所屬府仍差通判判官以上官各一員分管部運布政司照舊堂上官一員總督不及三千石者革去州縣委官錢糧責付該府州委官帶管○正德九年議准各府州縣部運官起運京倉糧草俱令大戶於近京地方收買本色雇腳運赴原定倉場

上納不許交價於攬頭以致勒措作弊。○十一年令各處一應錢糧俱要點差殷實大戶解納不許市井
姦民并考滿吏役人等承攬違者從重問擬。○十四年令各處起運稅糧馬草及帶部布絹花絨麥鈔折
銀顏料廚料戶口鹽鈔等錢糧總部運官員山東河南并北直隸順天府俱限本年十一月南直隸限
本年十二月浙江江西湖廣限次年正月廣東福建限次年三月以裏到部違者依律參問。○嘉靖元年
令內府監庫凡解納錢糧驗看真正俱限十日之內完納違者聽巡視科道官參究。○四年令各處坐派
解京糧草等項價銀務要查訪京價高低定擬徵解到京之日部運官隨時酌處扣有餘補不足每月將
扣補過數日開報戶部事完造冊赴部查對若有羨餘要見下落方許掣批回任本部各該監收官員仍
嚴加訪察申明曉諭不許歇家車戶人等通同高擡時價靠損小民違者從重究治。○萬曆元年令凡遇
起解一應錢糧除陰醫武職義民等官不許濫委原係民解者務選殷實大戶原係官解者務選府州縣
廉幹佐貳官員酌量地理定立期限前來仍一面將錢糧數目及起程批限月日先行開報戶部待投文
到部除係侵欺與販放債者參送法司照律從重問擬及違限未久者照常送問外北直隸順天府違限
二個月保定等七府違限四個月南直隸江北各府山東河南山西陝西違限六個月南直隸江南各府
浙江江西湖廣違限九個月福建廣東廣西四川雲貴違限一年者候送納錢糧完日係職官參送吏部
降一級調用係解戶照常問罪仍送本部門首枷號二個月發落若已經送納三個月不完者勒陽追比

完日參送法司究問。卽錢糧全完。照例官擬降調。大戶枷號。如有物料麤惡。揀退換補。不係官解作弊者。本部移文彼處官司。查究官解羈候。暫免參送。其在外司府。務要照限。嚴比批單。如過限卽拏家屬。監比不得姑息。在京在外。但有攬納情弊。無分官解棍徒。本部指名參送法司。俱以侵欺問罪。如有司仍前虛文起解。及催徵後期。故將批文倒坐年月。致累官解者。許各官解赴部稟首。以憑參究。

凡召商買納。正德八年議准。山東、河南并直隸各府州縣。解到稅糧草料價銀。除光祿寺酒醋麪局。供用庫等衙門。俱將原來價銀轉送。自行收買。不必拘定原批數目外。其餘倉場俱收戶部。令科道官估價。召商上納。照數支給。○嘉靖五年。令山東、河南、北直隸各該司府錢糧。除本色可自運者。聽從民便。其徵銀到京收買者。聽總部官同部運官查驗銀兩。暫寄本部。召商照時定價。量添腳費。納完給與價銀。不許勢豪用強。包攬占窩誤事。○八年議准。除內府白糧。照舊收本色。每石加耗一斗。蠟茶等料。每百斤加耗五斤。其餘糧料草束。每年科道官斟酌時估。悉令徵銀解部。送赴太倉支收。遇有缺乏。召商照依時估。納完領價。仍行順天府將官較秤斛。給送各科道。照樣較收。其該司府州縣起解錢糧批文。務要明開某項糧。每石徵銀若干。草每束徵銀若干。違者行巡按御史究問。○又題准。今後各倉場糧料草束。徵銀解部。召商上納。

按職掌。凡有軍馬去處。所需錢糧等項。戶部必先查考某處蓄積有餘。某處歲用不給。量其水陸路程。地理遠近難易。計其人夫多寡。明白具奏。差官於糧多處所撥運。缺糧衛分支用。今邊方所在屯兵。轉餉尤急。其糧料本折有民運。有屯種。有鹽引。有京發年例。嘉靖中虜患頻仍。年例發銀幾三百萬。邊費浩大。於斯爲極矣。至於糴買召納。收掌支放。各有事例。具載于後。

凡撥運本色。洪武二年。令戶部於蘇州府太倉糧儲三十萬石。以備海運供給遼東。○四年。令青州府官軍運山東糧儲。給遼東定遼邊衛。○議准蘭州。涼州。河州。岷州。寧夏。莊浪。西寧。臨洮。甘肅。山丹。永昌等衛軍糧。每歲令西安等府送納大路官倉轉運邊衛。○二十四年。令蘭州。岷州。臨洮。寧夏四衛官軍。以平涼。鞏昌等府民納米麥。對撥供給。其洮州。涼州。河州。西寧。莊浪。甘肅。山丹。永昌八衛。以各府見在倉糧。陸續僱運供給。○二十五年。令海運蘇州太倉糧米六十萬石。供給遼東官軍。下同。○二十九年。以陝西各府州縣民轉運邊餉道遠。於驛道有軍民處置倉。各就近地計程接遞。○三十年。令法司將徒流遷徙死罪囚人。先自平涼起。擺到西涼。將運去糧米。就西涼收貯。候擺到甘肅完訖。却從西涼起。擺至平涼接遞。每囚二名。共買車一輛。牛二隻。運米四石。後每車一輛。再貼囚人兩名共當。○永樂十年。令陝西鞏昌。臨洮等府稅糧。以附近府縣民運納。蘭縣抵甘州。每五十里設一站。令囚人及官軍轉遞。○十三年。發山東。山西。河南。及鳳陽。淮安。徐。邳等處民丁十五萬。運糧赴宣府。各給行糧腳價。仍免差役一年。○二十

年令各府州縣民運邊糧者各免差一年。○宣德三年令行在戶部差官以九月終發永平府屬縣民及東勝諸衛軍兼運林南東店倉糧于遵化城內供給官軍。○五年令歲運開平糧四萬石自京師至獨石立十一堡每堡屯軍一千名各具運車以六十日爲限其開平備禦官軍輪班於獨石搬運仍令都督一員領軍防護伯一員總督。○七年奏准法司囚犯送戶部通類差官押赴通州各衛倉支糧自備車輛運赴山海衛倉。○正統元年令陝西各府歲納甘州各衛稅糧民運至蘭縣自蘭縣起發軍夫運至涼州自涼州運至各衛。○二年令山西歲運宣府稅糧一半改運大同。○十二年令直隸永平府永平盧龍等衛罪囚運山海倉糧赴遼東寧遠等倉贖罪。○景泰四年令法司及直隸罪囚於通州倉支豆運赤城直隸并萬全都司等處罪囚於隆慶衛倉支米運龍門。○又令召人自通州倉支米赴獨石每石給腳銀六錢馬營五錢五分。○六年令法司罪囚領運通州倉糧赴宣府不完者發巡撫官處減半自備米納宣府斬絞罪二十石流并徒三年十六石徒二年半十三石五斗徒二年十一石一年半九石一年六石五斗杖每十四斗。○成化二十年令遼東管糧官會同撫按等官將附近順永二府所屬州縣并永平盧龍衛所見問罪囚內有雜犯死罪以下酌量地里遠近定擬則例發山海衛倉關領糧米送廣寧前屯廣遠二城倉收貯及將遼東所屬官吏人等有犯各項罪名者亦照例於遼陽城六倉關領糧米運送東州饜陽清河、蘇場馬根單五堡各備用。○正德四年議准宣府坐派山、東、河、南、北直隸司府州縣秋糧照舊徵本色。

赴部倒文徑赴本邊上納。年例銀兩照舊解送彼處。召商糴買。○嘉靖二年奏准紫荊關中千戶所屯糧黑豆。原派保定府倉上納者。自二年爲始。照數改撥易州新城倉上納。○五年令四川鎮雄府額運烏撒倉糧。每年准除三百八十石。作官吏俸糧。其餘盡數支與守禦官軍。如有不敷。就於上官租布內補支。○七年奏准將山西原掣回民糧一十六萬五千三百五十五石。起運宣府。河東運司鹽價銀八萬九千三百五十兩。照舊仍解山西。○十六年議准慶陽府所屬州縣糧草。仍派寧夏。其西安鳳翔府所屬州縣糧草。仍派榆林。各照舊徵納。寧夏倉場。每遇慶陽車戶納糧完日。給與印信小票。赴池壘鹽。無票者不得濫給。○三十一年令薊鎮加添班軍糧米五萬六千一百八十八石。於原額通太等倉撥運。其搭蓋班軍營房銀兩。行太倉并兵工二部動支。○三十三年議准隆慶等衛所主客官軍月糧。于三十四年原派密雲鎮主兵糧內。改六萬石給運昌平鎮。內四萬石准作主兵。二萬石准作客兵。隨宜支用。其車馱搬運。自張家灣至奠靖所。查照密雲。每十里給銀一分二釐。就於隨糧輕齋及主兵銀兩內動支。○三十七年令長陵等八衛軍士。於鞏華城另建倉廩。歲撥漕糧給散。

凡解運折色。正統七年令直隸蘇州等府。起運南京糧折銀五萬兩。運赴陝西布政司。轉求甘肅等處。糴糧給軍。○九年令山東等布政司。直隸大名等府。稅糧折布。俱運赴永平山海。江西等布政司。直隸蘇常等府州。稅糧折銀。運山海遼東。糴買糧料。○成化十一年令大同宣府遞年坐。到山西河南山東北直隸

糧料除山西每石徵銀八錢外其河南等處自今年爲始每糧一石徵銀八錢五分○嘉靖元年議准薊州官軍月糧久缺將順天府原派薊州庫後改京倉草束折銀除已納外其餘續到者自本年爲始俱發薊州補放仍派存留數內每束折銀二分五釐解薊州庫納○八年題准西安府等應解甘肅錢糧免其民運每糧一石徵腳價一錢連糧折銀布交收府庫候收銀至二萬兩布至二千疋分守道委官一員于前腳價銀內官給銀二十兩令沿途遞運所起車軍衛有司撥軍快防護運至蘭州管糧官處查驗仍照舊例每銀二十兩布一百六十疋運至甘州廣盈庫者各腳銀三兩八錢運至涼州廣儲倉者一兩二錢亦于前腳價銀內支給係西寧等六衛所倉分者解赴西寧道參議處係山丹九衛所倉分者解赴甘肅管糧僉事處各交收內支剩腳價銀兩每一次以十分爲率將七分作正支銷每遇民運銀兩糴買本色空運接濟該運腳價亦在數內支取三分修理倉廩悉聽巡撫稽考○九年題准河南直隸真大順等府原派納眞定定州二庫絹每疋折徵銀七錢闊白綿布每疋銀三錢○十一年題准陝西布政司如遇起運三邊錢糧照依舊例夏稅每石徵銀九錢秋糧每石徵銀一兩依期起解○十二年題准山東河南歲派保定府廣盈倉本色米麥每石徵銀八錢解保定府自行召買○十三年題准四川重鉞二府原派貴州永寧倉糧米每石折銀三錢五分解貴州布政司庫交收給與畢節烏撒等衛官軍○十六年題准今後直隸山東山西河南等處原派納萬全都司宣府等二十一衛所并萬億庫隆慶衛倉涿州庫德州常

盈庫折銀布疋。每疋折銀三錢解部。轉送該庫收貯。○二十三年題准。陝西起運甘肅本色糧布。每疋折銀二錢五分。同該徵糧價。解蘭州管糧郎中處驗收。○三十三年議准。大同鎮民運。係山西平陽府等處稍近地方。准納折色。量地遠近。派增腳價。或四錢三錢。其附近二三百里。并汾潞遼沁俱納本色。中間果係山路艱阻。亦照前議。將徵完銀兩。齎赴鴈門或關南等地方。買辦本色。赴鎮交收。其寧武民運。在河南山東北直隸者。路多平易。酌量多派本色。其甚遠者。皆令折徵。照前派增腳價。○三十七年。令鎮邊橫嶺長峪三城邊軍。比古北石塘事例。於下半年折色內扣給。○隆慶四年。令陝西西漳二縣。將額解花馬池。鹽引銀每年二千餘兩。改貯蘭州。專備客餉。○萬曆元年。令陝西河州起運西寧倉。秋糧銀一千一百四十一兩二錢四分。固原州倉。夏稅糧銀一百六十二兩九錢二分五釐四毫九忽。廣積庫。夏稅銀一百五兩。俱存留河州倉。補給參將營軍士月糧支用。將鎮原縣起運一條城堡倉。秋糧一千六百兩。內撥一千四百九兩一錢六分五釐四毫九忽。以補西寧固原廣積各倉庫前項之數。餘銀一百九十兩八錢三分四釐五毫九絲一忽。仍作一條城堡倉徵解蘭州廣積倉上納。仍各註實徵冊內。以爲常額。永爲遵守。○九年題准。添設密雲站軍一千名。該月糧銀五千九百八十兩。除各軍原有月糧布花等銀二千三百五十一兩二錢照舊湊支外。尙少銀三千六百二十八兩八錢。每年於保定府存留支剩稅糧銀內。照數解部轉發易州鎮補給。○十年題准。保定騎營新買完馬一千五百匹。每年除在永平六個月外。春冬回

至保鎮該添草料銀四千一百三十七兩七錢五分。自本年爲始於保定府存留支剩銀內照數動支。徑解易州鎮交收。如在永鎮多支一日。在易鎮扣支一日。不許彼此重支。

凡京運年例。永樂十七年。以口外糧料數少。令於京倉支撥。選取營造次撥旗軍僱運。其擺堡運糧。及坐堡管堡官。除軍職外。仍於吏部聽選方面府州縣官內。選取一百員。差用以文職大臣。把總管運。○十九年。以宣府等處缺糧。令法司因人運糧贖罪。雜犯死罪十石。流罪八石。徒罪六石。杖罪四石。笞罪二石。○宣德六年。令五軍操備。并彭城永清左右三衛旗軍。擺堡僱運糧料一十萬石。赴獨石等處。差武職一員。把總提督。○正統十二年。令每歲運銀十萬兩。于遼東糴買糧料。○又令每歲運銀十五萬兩。於宣府糴買糧料。○景泰三年。令五軍等營。撥軍七萬。運糧七萬石於懷來。每人給脚銀三錢。○嘉靖四十五年。令宣大山西除民屯鹽引外。每年主兵發銀一十二萬兩。客兵一十三萬五千兩。薊州鎮主兵。馬太二路。共銀五萬六千三十八兩。永平鎮燕石二路。共銀四萬八千六百七十二兩。密雲鎮主兵。共銀三萬三千九百二十四兩。昌平鎮銀一萬兩。○又令各鎮除民屯鹽引外。每年延綏主兵。發舊例銀一十九萬五千七十九兩九錢八分。新增料銀二萬二千一百八十五兩二錢三分。客兵八萬兩。寧夏主兵二萬五千兩。客兵二萬兩。甘肅主兵二萬二千九百二十二兩八錢一分。固原主兵銀五萬兩。以後各視此爲準。○隆慶元年。議准昌平鎮主客兵該銀一萬兩。永安鞏華四營軍士防秋三個月。月糧銀該一萬六千二百兩。增

入會計之數。○三年令四川撫按賊罰并稅契開納事例。黎雅茶稅鹽課魚課等銀。通共一十萬四百三十五兩二錢零。應該起解太倉。改解陝西延寧甘固四鎮。將太倉遞年應發年例銀兩。照數扣留。○又令陝西撫按巡茶衙門。每年賊罰。與布政司開納事例銀兩。俱聽存留。轉解延綏鎮。准作本部應發年例。○六年議准。行陝西各撫按。將本年二限應解賊罰銀兩。查係甘肅巡按者。解蘭州。山西撫按者。解三關。宣大遼東巡按者。各解本鎮。河東巡鹽者。在陝西解延綏。在山西解三關。各管糧衙門。交收。以抵各鎮下年應發年例之數。通候年終。具數報部。扣算年例。○萬曆五年題准。貴州撫按賊罰銀兩。存留本處軍門。抵作新添標兵軍餉之用。

凡糴買召納。弘治十三年題准。凡各邊召商上納糧草。若內外勢要官豪家人。開立詭名。占窩轉賣取利者。俱問發邊衛充軍。干礙勢豪。參究治罪。○十七年議准。黑谷關曹家寨有警。關糧不便。就彼召買米豆。收貯本營。見空官屋。委千百戶一員掌管。遇警支用。若過三年支未盡數。放與本營及附近軍馬。另行照數改撥。每三年一次。以陳易新。○正德六年議定。陝西起運各邊糧草。照依時價解銀糴買上納。每州縣各委佐貳官。或首領一員管押。每府佐貳官一員總理。○嘉靖十五年題准。各邊年例鹽銀。每年正月。以裏查照常數。奏差官解送該鎮交割。乘時召買本色糧料。分發緊要城堡倉分收貯。永爲定規。○隆慶六年。令各鎮管糧郎中等官。以後撥送赴邊。撥例員役。投劄到日。各照彼中時估。責令自行買納米豆。如該

鎮米多豆少亦准令查照時估買豆上納查果倉口寫遠轉運艱難卽於時估中酌量計算以資脚費完日卽出實收付繳務查緊要缺糧倉口管糧官親自定撥

凡收掌支放弘治十五年令各邊除庫藏銀兩有添註註銷事例外各該撫按衙門及有自行處置鹽利冠帶贓罰紙米等項銀兩就委各該守巡官管理出納附寫卷簿用印鈐蓋只許軍門賞功修城器械等用不許別項花費三年一次差科道官查盤○正德九年議准腹裏錢糧到邊預行守土領軍官員開報多則五日一次少則十日一次量撥軍馬護送違者參究治罪錢糧既收弔取通關填給未全完者陸續給與印信實收或倉鈔執照○嘉靖六年詔德州常盈倉收納山東河南二布政司解到花絨每年給散眞定等一十八衛官軍戶部會派之時查□□衛該領布花數目就令各大戶運赴各該衛分附近州縣上納以便給散○十五年令薊州管糧郎中將原派永平府大潤庫錢糧歸併薊州庫收受○二十年題准山東運司平廣等州縣每年該運邊鎮錢糧以後年分俱要解部轉發該鎮交納○又題准各處撫按官并管倉主事今後所管倉場如有糧料草束積貯年久不堪支用者即便酌量地方事勢緩急量將附近軍士每月每名帶支本色米一二斗草一二束存留新收本色以備支用○二十七年議准山西鎮糧餉銀兩出納領以三關主事估計召買屬之鷹門兵備其宜大二鎮守巡照舊分理錢糧○二十九年題准各邊錢糧無分主客俱守巡道召買管糧郎中稽察姦弊○三十一年令保定客兵銀兩責易州監督

主事收掌稽查。買辦支放。盡屬巡撫。○又令宣大管糧郎中及各巡撫。凡遇召買一應鹽引。并銀易主客兵糧料草束。斗頭斤重。足色收受。明白開列總撤文簿。及內外廩。經各路各倉。按季註銷。仍照定擬秋成開報。延至次年二月不完者。管糧通判住俸。六月終不完者。管糧通判革去冠帶管事。守巡道住俸督催。中間拖欠數多。至誤緊急軍餉者。管糧通判起送赴部。降級調用。○三十六年。令三河子粒。歸併通州原管客兵芻糧支用。○三十七年。令永平府并玉田等縣。興州左屯等衛。軍民錢糧。俱聽永平府徵收。轉給灤東軍士。○三十八年。令裁革昌平。密雲二處管糧主事。改設郎中一員。總理糧餉。換給勅書關防。協同兵備行事。總兵以下。悉聽參奏。拏問。其一應錢糧文移。悉併貴州司掌行。○令給宣大二鎮分守參議。專勅一道。每年會計歲運錢糧之後。卽於四月離鎮。各赴山西地方。催督所屬州縣主兵錢糧。至十月方許回鎮。年終通將完欠錢糧。造冊繳部。鴈門。寧武。偏頭三關通判。各降關防一顆。專令管理軍需。其前監收供億各衛。經歷并州判。縣丞等官。盡行罷革。○四十一年。議准薊鎮客兵錢糧。俱屬兵備道管理。各兵備道。將各營兵馬。填寫格眼文冊。如有調遣。卽開填調到日期。某營軍數。將領頭目姓名。知會分司。仍設印信號單。給與將官收執。支糧之期。管糧衙門。驗算明白。照例本折關領。○令順天軍餉。凡屯糧民運鹽糧。召買未完。俱聽巡撫催督。年終會計。主兵郎中會同巡撫同疏。客兵巡撫會同總督同疏。屯糧巡撫會同屯田御史同疏。仍勅書添載。著爲定例。○四十三年。令貴州司添註郎中一員。總理永平糧儲。兼管屯種。

各鎮管糧通判。專屬郎中管轄。撫按不得差委。凡興革稽察。俱會同巡撫施行。○四十四年。復設昌平主事。管理三路兵馬錢糧。其管糧通判。仍駐居庸。并理三區關事。密雲郎中。仍專理密雲糧餉。○四十五年。議准。易州良涿等處。一歲客兵。易州鎮發銀五萬四千兩。良涿二處。發銀五千兩。真定府所屬州縣。發銀三千九百七十兩。專備該年客兵本折支用。奇兵達官二營。新兌馬一千匹。行易州主事。春冬二季。草。照宣大事例。每月每匹一十束。料照回營事例。每月每馬大月九斗。小月八斗七升。俱於該鎮主兵民運銀內。通融支給。○隆慶四年。令各鎮郎中主事。揭帖冊籍所報。俱要於實在內。明載發商銀總若干。買米豆。草束若干。有無完欠細數。凡各官任內。如有拖欠。雖陞遷不許離任。免至彼此推諉。○五年。令永平。薊州。密雲。昌平。兵備道。協同管糧郎中主事。將各鎮主客兵馬數目。覈實細開。應支錢糧。年終將放過數目。造冊送部查考。其解到漕糧。并援例米石。俱編立字號。另廠收貯。以備日後支放。○又令薊鎮各兵備新製長單。分發各將領填註。應給主兵行糧料草。及軍馬支過數目。繳該管兵備道。類繳查盤御史。歲終查覈。有濫支者。從重參究。其督撫官於防秋畢日。將主兵行糧。另立款目具奏。并將任內查過冒濫。催過民屯所積本折銀米。開註各官項下。其積銀米數目多者。該部查照邊功論敘。○六年。令戶部將應發各鎮銀兩。管銀庫官。先將銀五百兩。眼同解銀委官。秤兌平準。該庫印封。卽作法馬。併付解官。其應發銀兩。解官自行敲對。將號簿內。明開某鞘輕重。有珠無珠。中錠若干兩。送部驗封。用部印鈐蓋。令解官齎赴該鎮。各

鎮郎中主事。如遇解到前項銀兩。先驗明白。卽以銀爲法馬。遂鞘秤兌。查對發去號簿相同。方許出給實收。中間若有輕假。卽將原銀寄庫。將解銀委官留住。據實參奏。以憑查覆重處。若該鎮仍照常抽鞘驗兌。及原不足數。朦朧出給實收。以虧商虧軍。戶部參治。仍責令管糧郎中等官陪償。○萬曆元年。令蘭州一帶主客兵錢糧。比照薊遼各鎮事規。總屬郎中管理。與臨鞏兵備。互相覺察。○二年。令延寧二鎮。并延慶二府。一應主客兵馬。俱屬延綏。在蘭州洮岷靖虜平固諸處者。俱屬蘭州。各管糧郎中兼理。凡遇出納召買。該道掛號定價。郎中收放。互相參考。

薊州

原餉額

屯糧一十一萬六千六百餘石。

民運糧一十一萬石。布一十萬疋。綿花一十萬斤。

漕糧二十四萬石。

鹽引銀一萬三千五百八十一兩三錢。

京運銀五萬兩。

見餉額

主兵

民運銀九千七百三十一兩四錢九分。國初有山東布花廣平保定府關布順天等府稅糧馬草景泰而後節年遞加嘉靖間加派山東河南順

天等府本折至四十四年分永平鎮始得其半隆慶間又加添大名保定及薊州等處處銀萬石間議將山東河南銀解部轉發其徑解本鎮者止有順天等府薊州等處

漕糧五萬石。成化中遮洋總運二十四萬石皆本色弘治初始議改折嘉靖間分鎮止得本色十萬石折色八萬石萬曆初以折色改解太倉名兌軍銀後又以本色五萬

改撥通系

京運年例銀二十一萬六千一百二十六兩一錢零。前無定例或一二萬或三四萬歲間一

後又增募軍銀五萬至末年始議為經制

客兵

屯糧料五萬三千五百六十八石六斗三升折色地畝馬草銀一萬六千四百四十八兩六

錢三分六釐。景泰中勘出荒地一萬二千頃正德間止得七千頃後又查出四萬八千餘頃嘉靖末屯糧大約十萬餘石馬草地畝銀二萬餘兩分鎮後薊得其六永

得其四

民運銀一萬八千二十四兩八錢五分六釐山東民兵工食銀五萬六千兩遵化營民壯工

食銀四千四百六十四兩。其額派加派例見主兵

鹽引銀一萬三千五百八十一兩三錢五分。國初原無定額成化而後多者三十餘萬引少者十餘萬引或間歲一發或數年不發嘉靖後

軍餉歲增始議
引鹽抵充年例

京運年例銀二十萬八千七百六十六兩二錢八分二釐二毫始主兵年例自嘉靖二十九年始

後費至二三十萬或四五十萬末年始不定制萬曆八年照將昌平鎮寧夏入衛兵馬行糧料草并春秋兩賞銀三萬四千六百一兩二錢三分改入薊鎮為灤陽新募土兵支用

此數今共存

撫夷銀一萬五千兩

賞軍銀一萬三千八百餘兩係萬曆四年數以後不等

永平

原餉額

屯糧料三萬五千七百八十二石五斗二升折色銀五千六百二十七兩九錢五分

民運糧料二萬七千七百一十三石折色銀七萬七千六百一十七兩八錢七釐

漕糧五萬六千石折銀四萬一千六百兩

京運銀二萬八千六百七十二兩八錢九分

鹽引四萬二千五百引原無定額隆慶四年准將薊鎮分派四年議止元年議止二年准將薊鎮分派四年議止

見餉額

主兵

屯糧料三萬三千五百二十一石四升。

民運糧料二萬七千七百一十三石四斗六勺。折色銀二萬八千九百四錢七分八釐七

毫。民壯丁食銀一萬二千六百一十八兩。自嘉靖四十四年分鎮後撥給隆慶五年議改

扣數取補萬曆元年議將山東河南折色并兌軍糧俱解部發邊其順天諸府民運仍解本鎮。

京運年例銀一十二萬二千七百二十一兩六錢七分八釐二毫。自分鎮後已有定額復以

兵年例而客兵倍之萬曆元年題准主兵兼支遂為定制。

客兵

屯草折銀三千二百二十九兩五錢六分五釐。

民運本色草三十萬一千九百二十二束。

京運銀一十一萬九千一百三十六兩九錢三分一釐九毫。

密雲

原餉額

屯糧四千六百二十七石五斗五升。

民運糧五萬五千石。

漕糧一萬五千石。

京運銀一萬五千兩。

見餉額

主兵

屯糧料六千六百四十六石七斗五升三合九勺。地畝銀二百九十兩二錢四分五釐五毫。

洪武初密雲中後二衛共五百七十五頃一十四畝。徵糧四千六百二十七石五斗五升。正統十一年艾勘僅三百八十一頃弘治正德中始足原數。又新增地畝銀四百九十餘兩。

嘉靖隆慶等年漸次開墾。又撥興州營州二衛屯衛。打梁城所屯糧於本鎮上納。總增此數。

民運銀一萬九百五十三兩一錢六分二釐。正統間開派鹽引無人報中景泰三年始議民運。歷年會派山東河南順天等府多寡不一。嘉

靖元年定本折兼運三十九年。盡改折色。萬曆元年。又將河南山東折銀。改解太倉轉發。其順天大名等府折銀。仍係歲運。

漕糧一十萬四千八百一十石八斗。本鎮舊無漕糧。自弘治十年。空運通倉黑豆一萬石。以後間一請發。嘉靖間始歲運不絕。主客兵糧共增至一

十五萬石。又班軍行糧三萬石。以後或減派。或改撥昌平。或改納京倉。或漕卒徑運。或於灣中空運。隆慶六年。議濬漕河。本船運至牛欄山。轉運隆慶倉。

京運年例銀一十六萬七十五兩四錢九分六釐。正統八年發銀五千兩。成化弘治等年發

萬兩。嘉靖間以慮患添發不常。至今始定額。若此。內有興州中後衛糧俸。布花銀四千九百六十四兩三錢。平谷縣儒學三河驛廩糧銀四十二兩。

客兵

民運稅糧改徵黑豆銀一萬六千三百四十五兩六錢六分五釐隆慶五年將通州三河廣

豆解納歸農民壯工食銀九百一十八兩此係

漕糧五萬石隆慶六年始添發此

京運銀二十三萬三千九百六十一兩六錢九分九釐一毫自成化十年發一萬兩或數歲

患調軍數多又加南兵工食每年據調到人馬多少酌量增發亦無定數至萬曆始定此數與主兵通融支給間有增減以該鎮歲入各項銀兩扣算補足額餉五十二萬九千五百六十一兩二錢四分之數

昌平

原餉額

屯糧三千二百三十二石五斗五升

民運糧一萬三千石

漕糧二萬石

見餉額

主兵

屯糧折色銀二千四百二十八兩四錢六分八釐地畝銀五百五十七兩六錢九分五釐五

毫。秋青草折銀一百二十八兩八分。國初止隆慶一衛屯地八百四十七頃糧三千二百

八頃四十畝米豆三千二百二石五斗。又徵銀四百一十四兩四錢九分萬曆元年議撥營州左屯

地三十六頃六十三畝五分共徵銀四百一十四兩四錢九分萬曆元年議撥營州左屯

衛屯糧折色銀二千七百七十二兩七錢八分。本邑豆三千九石五斗六升二合不與。

民運銀二萬七百四兩九錢一釐。景泰四年派廣平二府粟米一萬三千石給防秋官軍。

十五年米麥布花草本折中半後盡改折色今總計順天等府歲運銀共有此數其

山東河南民運銀一十一萬三千七百四十六兩五錢零萬曆元年改解太倉轉發

漕糧三萬九千二百七十二石五斗。隆慶六年添撥一十五萬石。舊赴京倉關支景泰二年

二萬石備用遂為空運之始嘉靖三十年以來始議歲運而空運間有之增減不一又議

班軍行糧及各陵衛官軍月糧俱於漕糧內撥運萬曆二年定議由通州水運至沙子營

客兵

京運年例銀九萬六千三百七十三兩五錢四分二釐七毫。自成化二十六年始發銀八千

發不等隆慶元年以來議添永安羣華四營軍上月糧入馬行糧增銀主客通融兼

支俱以該鎮歲入各項銀兩扣算補足額餉二十二萬六千八百五十兩七錢之數

京運年例銀四萬七千六十六兩四分。弘治十八年發銀一萬兩後不發正德嘉靖間增發

兩二錢七分萬曆八年以罷免寧夏入衛兵扣解薊

鎮銀三萬二千一百一兩二錢三分今止發此數

易州

原餉額

屯糧一萬三千六百三十七石七斗二升。折色銀四千四百六十九兩五錢八分四釐六毫。秋

青草二萬七千二百五十束。折銀五百四十四兩一錢。

民運糧六萬八千五十石。

見餉額

主兵

屯糧料二萬三千七十七石八斗三升七合。地畝銀六百六十四兩七錢三釐。國初設保定

德間。蠲設涿鹿、茂山、興州、中屯等六衛。十一處。時徵屯糧本色二萬。折色一萬。正統間。屯軍盡數選撥。城操遺下屯地。無人耕種。屯糧大失原額。泰而後節次清查。漸還其舊。

民運銀三十二萬七千一百二十九兩一錢三分八釐六毫。國初額派民運六萬八千五十

罷漕運。專事民運。歷年開派。漸增其舊。嘉靖三十七年。始行改折之法。內除河南山東扣

送太倉糧價銀。抵作客兵年例銀二萬八百三十二兩四分一釐。實該民運銀三十萬六

客兵

京運銀五萬九千兩。本鎮浮圖紫荆等處。逼近達磨。遇有警息。動調延綏。宣太。薊。遼諸兵入

銀二萬預備糧餉二十年以後或奏討六十萬或二十餘萬四十五年始定發五萬四千兩良濠銀五千兩至今爲例。

井陘

見餉額

主兵

屯糧一萬四千六百八十九石一斗七升二合九勺。屯豆二十四石五斗五升四合九勺。地畝銀八千一百九十八兩八分三釐二毫。

民運本色米麥一萬七千八百三十二石五斗六升三勺。折色銀四萬八千五百四十五兩九錢二分四釐三毫。

客兵

京運年例銀三千九百七十兩。本鎮舊屬易州原無客兵後因山西周原延綏寧夏等處入

十五年始分井陘一處另行請發年例。

遼東

原餉額

屯糧七十萬石。

民運布三十一萬疋。花絨一十四萬斤。

鹽引一十四萬一千五百四十八引。

京運銀一萬兩。

見餉額

主兵

屯糧料二十七萬九千二百一十二石三斗一升四合。荒田糧折銀四百三十一兩九錢四

分一釐七毫五絲。初洪武二十四年五十三萬七千二百五十餘石。永樂十年七十一萬六千一百餘石。正德嘉靖以來止三十八萬三千八百餘石。隆慶間僅

二十三萬五百餘石。至今增此數。

民運銀一十五萬九千八百四十二兩五錢九分五釐。舊例取給山東稅糧折布三十二萬疋。本色鈔一百八十萬錠。花絨一十

三萬二千斤。由海運自登州府新河口。運至旅順口。再由遼河。而抵開原。成化弘治間。本折兼收。正德初。奏改折色。陸運鹽折布四萬六千餘疋。十五年。照例折銀。內永平府戶

口鹽鈔銀九百三十五兩三錢七分二釐。嘉靖七年。始山東布運折銀一十四萬七千一百一十九兩一錢七分。萬曆六年。改解太倉轉發。又本鎮並復海蓋草豆魚羣銀一萬一

千八十兩五分三釐。課程銀七百八兩。

鹽引一十一萬一千四百二十斤。該銀三萬九千七十六兩五分。正統六年。開中旋罷。景泰間。復開成化弘

治間。准折山東長蘆。福建河東廣東等鹽。相兼中納。嘉靖以來。惟兩淮山東鹽引。每歲預開餘俱停止。四十五年。派積鹽十二萬四千三百一十二引。隆慶三年。停存積開常股。

萬曆六年始定
常股存積今數

京運年例銀三十萬七千九百二十五兩四錢一分八釐。正統六年發銀一萬兩後或增發或摘發或補民運或抵鹽銀或以

鹽銀抵補隆慶間增至一十六萬三千九百九十八兩五錢二分八釐後又新添家丁月糧賞賜墩夜月糧官員俸糧兩河防守軍十月糧共增銀四萬五千二百七十七兩二錢

九分萬曆八年又添置嶺新募軍餉銀一萬六千七百四十兩兩河軍丁月糧銀八萬一千九百九兩六錢通共增至此數十三年又增閏月銀二萬六千兩但遇閏年照數題發

客兵

京運年例銀一十萬二千五十八兩九錢五分。正統八年發銀五萬兩以後並未給發嘉靖

萬曆二年以來議給募兵并防修邊工又加家丁墩守月糧功陞官軍俸鈔增至此數

宣府

原餉額

屯糧二十五萬四千餘石。

民運本色米麥二十七萬石折色銀六萬兩。

鹽二十萬引。

京運銀五萬兩。

見餉額

主兵

屯糧一十三萬二千三十八石二斗三合六勺。折色銀二萬二千八百二十六兩一錢七分

八釐九毫。正統間屯地四萬六千六百餘頃。屯糧二十五萬四千餘石。後漸迷失。則有團種驛傳公務。功臣香火地畝。新增等地糧。其實皆是此地。隆慶初查清共四萬

七千餘頃。本折糧至二十二萬有奇。至今歲徵雖有不齊。大約不出此數。

民運折色銀七十八萬七千二百三十三兩二錢八分七釐六毫。民運有米麥布花馬草於山東山西河南順天保定

河間真定順德廣平大名田賦內取給原係本色。今皆折徵。惟布花例無腳價。餘皆徵腳與折色並運。復益以山東河南大名三處鹽鈔。總之得此數。後有改撥弘治間急缺糧草

准於河南山東北直隸折價解京草束內改撥銀兩運該鎮交納。有空運永樂宣德以前俱差侯伯侍郎都指揮領官軍運通倉糧。至該鎮景泰間撥五軍營官軍運京倉糧。至懷

來後又設法雇覓車輛運通倉糧。至該鎮。將張家灣守凍漕糧撥運後或運通倉或運京倉或數萬石或數十萬石各因緩急增減不等。

淮蘆鹽一十四萬五千一百一十三引。該銀五萬八千二百九十九兩一錢二分三釐五毫。

河東運司鹽價銀七萬六千七百七十八兩五錢六分。在前原不分主客通融兼支。嘉靖

司鹽銀係正德八年所撥。

京運年例銀一十二萬五千兩。國初不過五萬兩。客兵取給其中。嘉靖元年始增六萬。四十

五千抵補年例。總之有此數。

客兵

淮蘆鹽七萬引。該銀二萬六千六百兩。

京連年例銀一十七萬一千兩。初取給於主餉五萬兩之中。嘉靖元年始發客餉十萬兩。四十五年定二十萬五千兩。內除改撥大同鎮銀三萬四千兩。

實發此數。

大同

原餉額

屯糧五十一萬三千九百四石五斗五升。草一十六萬九千一百九十束。秋青草一百七十六萬束。

民運山西米麥豆四十一萬八千八百六十石。草六十萬束。

京連年例銀五萬兩。

鹽八萬引。

見餉額

主兵

屯糧本折共一十二萬六千七百四十四石五斗九升七合。牛具銀八千三百三十二兩五錢一分一釐。戶口鹽鈔銀一千七十九兩。草二十五萬一千二百九十六束。秋青草一十

九萬一千九百六十束。國初軍餉止仰給屯田。天順以來始有牛具。有功臣地皆不出屯。今比原額減糧三十八萬七千餘石。其本折之數。因時盈縮。雖

以定執。亦有養廉賞功地酌量分給。其牛具銀。正德四年清出戶口鹽鈔銀。嘉靖三十二年新增。

民運糧五十八萬六千四百七十五石五斗。草二百四十四萬四千八百五十束。荒草銀二

萬一千六百兩。國初坐派山西。率多本色。正統八年本折相兼。正德元年始全折。故其有

價。又增以脚價及荒草之銀。始有此數。其摘撥取之。大同所屬州縣。太原府存留糧稅。及

山西原派代州。鴈門草束。改撥取之。浙江蘇常等處。存留糧及山東河南北直隸。起運豆

淮蘆鹽四萬三千八百四引一百五十斤。國初止納糧草。亦有浙江福建山東河東運司并

草。其空運取之。京通二倉。及於宣府倉場。易州紫荆關。新城浮圖峪二倉。料草米豆。皆以有急間行之。

京運年例銀二十六萬九千六百三十八兩。正統七年始有京運。成化十九年始分主客兵。嘉靖元年始增年例。十六年以前。不過七萬兩。

十七年而後。歲討歲增。視前至數倍。十九年而主客分額。四十五年始定經制。此後非遇

客兵

京運銀一十八萬一千兩。成化十九年始有客兵。弘治十三年嘉靖二年。始開發。皆事

寡。隆慶二年定欵。賞及年例銀一十四萬兩。後宣府改撥銀三萬四千兩。山西改撥銀七千兩。總之得此數。

淮蘆鹽七萬引。成化間尚未分主客。嘉靖三年始發。客引後定此數。專備客兵。

山西

原餉額

屯糧八百餘石。

民運本色米豆六萬八千三十三石。草六十萬束。

鹽一十二萬引。

京運銀二萬兩。

見餉額

主兵

屯糧本色二萬八千五百九十二石八斗五升。折色銀一千三十兩四錢三分八釐七毫。秋

青草九萬五千八十六束。正統中。振武等三衛屯糧八百餘石。嘉靖十二年。清出牧馬草場六千餘頃。二十二年。清出偏頭老營拋荒地四千餘頃。計所

入當以十萬。至三十二年止。得糧二萬八千二百餘石。草折銀一千五百兩。今糧數不遠。而折銀十倍之。中間有折色。有本色。有將領養廉地。今本折兼收。而養廉地盡革去。

民運本色米豆共二萬一千五百二十二石二斗四升。折色銀三十六萬二千一百二十兩

五錢五分。民運始於正統十四年。然無全額。成化十七年。額派三關本色米豆六萬八千餘石。草六十萬束。正德十年。加派三十餘萬石。徵折色三十餘萬兩。嘉靖二十

四年。折色銀三十八萬四千五百六十兩。本色五千八百六十石。至三十二年。議復。本色三分。既後。以民徵輸不便。旋議改徵。後本折相兼。至萬曆五年。歲報數若此。

淮浙山東鹽一十六萬四千三百九十一引二十三斤零共銀五萬七千八百三十二兩六

分成化後節有開派不為例嘉靖二十年神池利民老營三堡募軍始派鹽引五萬八千七百一十兩二十一年神池學武二堡募軍又添派鹽銀四萬八千九百九十八兩八

錢五分二十三年鹽引不足發京運補之遂成條例三十一各邊鹽引俱量行開派遂減至六萬四千八百五十七兩京運補發銀至是停止至隆慶中漸有增減萬曆六年實

計有此數

河東鹽課銀六萬四千二百五十九兩二錢舊無隆慶三年撥發二萬四千二百五十九兩二錢萬曆元年又增四萬兩

京運銀一十三萬三千三百兩京運始於成化二十一年然無年例遇警始發嘉靖二十一

營募軍增銀九萬九百二十四兩自武站募軍增年例銀三萬兩二十二年太原石關等四

計一十六萬八千九百七十四兩北樓口募軍增銀四萬八千五百兩三項共

亦不下十一二萬四十五年議定經制歲發主兵銀一十二萬三千三百兩隆慶六年將

客兵

京運銀七萬三千兩客兵年例始於嘉靖二十一年數止三萬後加至十八九萬每歲計費

本年扣民壯工食銀一萬兩六年改撥主兵銀一萬五千兩萬曆六年兌留薊鎮義兵銀五千兩該發銀八萬兩八年又改撥大同鎮銀七千兩今實發銀止有此數

延綏

原餉額

屯糧料六萬五千八百四十五石。草四萬三千三百七十二束。地畝銀一千一百二十四兩。

民運糧二十八萬石。

淮浙鹽二十萬引。

京運銀一十萬兩。

見餉額

主兵

屯糧料五萬六千四百八十七石三斗八升。草六萬一千五百五束。地畝銀一千四十六兩。

一錢六分。國初屯田三萬七千七百五十六頃二十二畝。維時墾不過河軍士得於糞內耕牧糧草數至盈十萬。成化十三年築榆林城。調延安綏德軍馬填實其中。計

三衛屯糧共得五萬六千餘石。自弘治十三年以後。虜酋據套屯利漸失。至今數比舊額減將及萬矣。

民運糧料九萬七千八百二十六石八斗九升。草七千九百四十二束。折色銀一十九萬七

千四百三十三兩。國初額派山東河南諸省民運俱從巡撫等臣酌量三邊地方緩急分給濟用。成化十九年始派本省西安等府民運二十八萬餘石。及河南

布料價餘三萬三千兩。弘治十六年改西安延慶三府稅爲拋荒折色二萬石。正德十年又將三府本色盡徵折色。嘉靖三十三年議本折策用。隆慶二年盡復本色。至今同。又有

河運自嘉靖四十五年於府谷縣開運河。每年操船二三十隻。動支兵餉銀兩。往山西興臨保德地方糴買糧米。運赴該縣。以濟黃浦川九堡之急。

淮浙鹽一十五萬六千四百八十二引。該銀六萬七千六百二十五兩五錢二分五釐。國初開派

不時多寡不一。多至四十萬引。亦有河東、福建、山東等處。至嘉靖間。始定主客兵。元年。以歲用不敷。開十四萬引。三十一。年開一十七萬一千四百餘引。至四十五年。始定此數。以給放官軍月糧。新增募軍之費。又有茶引銀。自成化十年。始但支官銀六萬斤。中府買茶易馬。至弘治十四年。始召商報中。初開五百萬斤。旋減至四百萬斤。

京運年例銀三十五萬七千二百六十五兩二錢一分。本鎮軍餉。收給民屯。原無京運年例。天順八年。發銀五萬兩。成化十六年。發十萬兩。分送三邊。以濟急一時。後遂為例。自正德至嘉靖初。每歲發三萬兩。八年。歲入套。始發二十萬兩。嗣後漸增。至四十五年。發二十一萬七千二百六十五兩二錢一分。八年。再加給七萬兩。連舊合得此數。

年發十萬兩。分送三邊。以濟急一時。後遂為例。自正德至嘉靖初。每歲發三萬兩。八年。歲入套。始發二十萬兩。嗣後漸增。至四十五年。發二十一萬七千二百六十五兩二錢一分。八年。再加給七萬兩。連舊合得此數。

客兵

淮浙鹽七萬引。該銀二萬九千七百五十兩。始自正德六年。將靈州鹽課司池鹽。召商報中。五萬引。以備客兵。至嘉靖八年。開淮浙山東長蘆鹽七萬引。十九年。額派鹽銀二萬九千七百五十兩。嗣後止派淮浙。其引銀數至今同。

京運年例銀二萬二百五十兩。正德十四年。因達賊出套。始發客兵銀五萬兩。嘉靖九年。發十二年。至八萬四千五百五十八兩。始以八萬為定制。萬曆八年。議五萬兩。除鹽引銀二萬九千七百五十兩外。今發京運銀止此數。

十二年。至八萬四千五百五十八兩。始以八萬為定制。萬曆八年。議五萬兩。除鹽引銀二萬九千七百五十兩外。今發京運銀止此數。

寧夏

原餉額

屯糧料一十萬七千四百九十七石。草一百六十八萬七千四百七十四束。
民運糧二十萬石。

鹽一十萬八千引

京運銀四萬兩

見餉額

主兵

屯糧料一十四萬八千三百三石八斗。屯草并秋青草一百八十萬七千三百五十八束。折

色糧草銀一千七百四十五兩四分。地畝銀一千二百九十兩一錢七分四釐。本鎮屯田。夙號膏腴。

永樂間。田一萬五千六百二十四頃七十六畝。徵糧一十八萬七千四百九十七石。正統四年以後。田失原額。糧反倍增。前是屢經清勘。減免弘治十三年。查與永樂年間數同。正

德嘉靖以來。河崩沙壓。議減徵。或免徵。至於今。比原額減五分之一。若地畝銀則又在外續增者。

民運本色糧一千三百四十九石二斗九升。本色草二萬五千二百九十五束。折色糧草銀

一十萬八千七百一十九兩五錢二分。國初軍儲。止取給屯鹽等糧。未有民運。正統六年

赴蘭環等縣。交納以備緩急。以後撥派。俱無定數。正統七年。坐派本省稅糧一十三萬四千餘石。草一十六萬餘束。除本色外。糧每石折銀七錢。草每束折銀三分。共該銀一十萬

八千餘。今仍此例。

淮浙鹽一十九萬六千九百九十四引二十八斤。該銀八萬一千六百九十四兩九錢零。

正統景泰間。止以河東靈州鹽課開中。馬匹成化間。始派山東福建鹽引。弘治六年。因二省鹽引阻滯。始議開淮浙等鹽。嘉靖八年。定淮浙鹽銀三萬三千三百三十兩。給客兵爲

額派十年。又開淮浙長蘆鹽銀一十萬一千五百八兩。給主兵為補歲用不敷。以後同有請發。皆係例外。或常股或存積。或工本水鄉名色不一。隆慶萬曆以來。工本水鄉等鹽。停止預派。淮浙常股存積二監。約不越八萬餘兩。主客通融支給。

京運年例銀二萬五千兩。國初無專發。正統七年議將徽州府解京折銀三萬六千六百餘兩。轉解陝西分送邊鎮。至成化二十二年始發銀四萬兩為例。以後弘正間增減不一。或二萬或三萬。有警增至十餘萬兩。俱例外接濟。嘉靖三十四年軍馬減少。定發銀止此數。至今同。或以該省商稅及事例銀抵補。近又以四川改解銀計算。

客兵

京運年例銀一萬兩。客兵銀。自正德十一年始發銀十萬兩。遞年奏討。解發不一。嘉靖二十年始定年例銀二萬兩。邇因北虜款塞未發。止發銀一萬兩。為互市之用。

之

甘肅

原餉額

屯糧料六十萬三千一百八十八石四斗一升。屯草五十四萬九千七百三束。

民運糧二十四萬六千七百四十四石。

京運銀六萬兩。

鹽七萬五千引。

見餉額

屯糧料共二十三萬二千四百三十四石二斗三升八合四勺。草一百七十五萬三千二百九十二束。秋青草一百七十九萬七千五百四十五束。折色草價銀二千一百九十四兩七錢九分七釐。湖蕩草七十五萬九千四百一十三束。國初甘肅左等十五衛屯地足供軍需。正統以前豪勢侵占。欺匿稅糧。四年通行挨勘。遂得六十餘萬石。舊額漸復。後復迷失。成化間止得二十餘萬。嘉靖間節次清查。亦不能過此。以後開墾荒田。至今仍得此數。

民運糧布折銀二十九萬四千九百五十九兩五錢八分六釐。正統二年分撥該省本折秋糧二十餘萬。并添運糧料以濟邊

儲。成化八年。又將徽州府小麥改徵折色。以益之。成化元年。額派三十八萬石。以後多寡不一。正德間較之弘治。又增十萬餘石。嘉靖隆慶間。差多於正德。至今冊報若此。

京運銀五萬一千四百九十七兩八錢一分。初無定額。成化二十三年始發銀六萬兩。自後歲

靖三十年。增十萬五千二百兩。四十五年定爲二萬二千九百餘兩。客兵銀則二萬兩。隆慶元年。因工本鹽停止。主兵銀補發至五萬一千餘兩。遂爲定制。

淮浙鹽二十七萬七千引。該銀一十萬二千一百五十兩。主客兵費俱資鹽引。或因邊警動調。或因地荒歉。開派多寡不一。嘉靖

八年額派淮浙客兵鹽共十五萬引。該銀六萬八千三百餘兩。十一年議補歲用不敷十二萬五千七百六十引。該銀四萬九千九百三十二兩。四十五年改派兩浙鹽十五萬引。該銀

四萬五千兩。兩淮鹽十二萬七千引。該銀五萬七千一百五十兩。以後遂爲經制。至於茶引。近不易馬。止中茶四百萬斤。以資邊儲。

固原

原餉額

屯糧料本色三十二萬四千六百二十二石四斗二升三合。屯草二十二萬九千七百五束。秋

青草一萬四千二百二十七束。折色糧料草銀共三萬八千三百三十三兩一錢六分八釐。四毫六絲。地畝銀六千七百七十三兩九錢四分三釐五毫五絲。

民運本色糧料四萬二千一百三石八斗八合。草一萬六百九十六束。布六萬五千八百四十六疋。花二萬九千一百一十斤八兩。折色糧料布花銀共二十八萬三千六百三十一兩二錢七分八釐六毫。

鹽七萬二千八百五十七引。

京運銀四萬八千八百七十一兩二錢。犒賞銀五百八十八兩八錢二分二釐五毫。

見餉額

屯糧料本色三十一萬九千四百六石五斗五升四合六勺。屯草一十八萬六千二束。秋青草一萬四千二百二十七束。糧折布一百五疋二丈二尺五分六釐。折色糧料草銀共四萬一千二百四十兩五錢九分二釐四毫三絲。地畝銀七千兩三錢七釐三毫四絲。牛具銀一百九十六兩一錢五分七釐五毫五絲五忽。國初田八萬七百餘頃。糧止三十二萬餘。折色銀年糧增至四十四萬五千餘。草五十八萬三千餘。透餉稍稱。其後屯政漸廢。糧料漸減。四十一年。雖經清查。尚少十萬。至隆慶五年。糧額益縮。萬曆六年。報數若此。民運本色糧料四萬五千三百二十五石二斗六合四勺。草八千六十三束。折色糧料草布花

銀共二十七萬九千二百九十六兩六錢一分九釐三絲。未設鎮之先民運無額。亦分三鎮十四年大虜住套。空運八府粟。隨軍供給。正德十年坐派民運糧一十八萬。草四十三萬。至嘉靖二年糧增至三十八萬餘石。草增至五十四萬餘束。以後或增或減。大約不出此數。十年以後。本折中半。隆慶以後。本色不及二分。餘俱改折色。

淮浙鹽六萬八百五十六引一百九十八斤。該銀二萬五千三百七十一兩六錢五分一釐。

自正統成化以後。節四督撫諸臣。區請開派不一。或十餘萬兩。或二十餘萬兩。亦或有長蘆山東。至嘉靖十八年。開引鹽三萬兩。始定爲例。次年暫停。二十年以後。俱照數開派。三十一以後。減至二萬四千。後又減至一萬七千四百三十九兩。隆慶二三年間。又減數千。萬曆元年。仍此。今歲報數如前。

京運銀六萬三千七百二十一兩八錢二分。犒賞銀一百九十九兩一錢三分。自正德年間。以

十萬兩。嘉靖初。又添十萬兩。十七年始照三邊事例。發太倉年例銀三萬兩。後節中增至七萬兩。但臨時酌處。未全數。至四十五年。定經制減爲五萬兩。隆慶初。以新募軍。又增至八萬九千二百七十餘兩。萬曆六年。主客兵共五萬八千四百七十餘兩。內以布政司折俸餘銀。黔國公地租。肅府莊田銀。四川改解銀。抵扣餘發。太倉銀補足。外西漳二縣鹽課銀二千兩。自二年爲始。積至五年。始一扣算。抵充年例。

明會典卷之二十九 戶部十六

【徵收】

國初因田制賦稅糧草料各有定額。每年戶部先行會計。將實徵數目分派各司府州照數徵收。事例甚詳。具列于後。其額數見會計中。

凡徵收稅糧。洪武四年。令天下有司度民田。以萬石爲率。設糧長一名。專督其鄉賦稅。○奏准浙江行省歲輸糧九十三萬三千二百六十八石。設糧長一百三十四名。○六年。令蘇松等府糧長每名設知數一名。斗級二十名。送糧人夫一千名。以備運納。○十五年。革罷糧長。徵收糧令照黃冊里甲人等催辦。○十八年。令兩浙及京畿官田。凡折收稅糧鈔。每五貫准米一石。絹每疋准米一石二斗。金每兩准米十石。銀每兩准米二石。綿布每疋准米一石。苧布每疋准米七斗。夏稅農桑絲。每十八兩准絹一疋。重十六兩。○又令各該有司。復設糧長。以民戶丁糧稍多者充當。○二十四年。令應天太平寧國鎮江廣德五處官田稅糧。自後減半徵收。○二十六年定。凡各處秋夏稅糧。已有定額。每歲徵收。必先預爲會計。除對撥官軍俸糧。并存留學糧廩給孤老口糧。及常存軍衛二年糧斛。以備支用外。餘糧通行立奪立案具奏。其奏本內。該云。爲徵收某年秋糧事。該照在京并在外衛所官軍等項。合用俸糧。擬合預爲會計徵收。議得各司

府州今歲該徵秋糧。除已對定官軍俸糧外。其供應內府光祿寺等衙門。合用熟粳糯米。芝麻。黃豆等項。并五府六部等衙門官吏俸給。優給故官兒男。及太倉預備海運糧儲。擬於蘇州。常州等府存收運納。其餘秋糧。存留學糧。廩給孤老口糧。及撥轉各處軍衛倉收貯。常存二年糧儲。以備支用。如有糧多足用。去處。臨期定奪收支。及該設糧長去處。委官一員。率領該設糧長正身。務要齊足。定限七月二十日。以裏。赴京面聽宣諭。關領勘合。回還辦糧。○凡徵收稅糧。律有定限。其各司府州縣。如有新增續認。一體入額科徵。所據該辦稅糧。糧長督併里長。里長督併甲首。甲首催督人戶。裝載糧米。糧長點看見數。率領里長。并運糧人戶。起運。若係對撥者。運赴所指衛分。照軍交收存留者。運赴該倉收貯。起運折收者。照依定撥。各該倉庫交納。取獲通關奏繳。本部委官于內府戶科。領出立案。附卷存照。以憑稽考。○凡糧長關領勘合。回還催辦秋糧。務要依期送納。畢日。赴各該倉庫。將納過數目。於勘合內填寫。用印鈐蓋。其糧長將填完勘合。具本親齎進繳。仍赴部明白銷注。如是查出糧有拖欠。勘合不完。明白究問追理。○三十年更定鈔三貫五百文。折米一石。金每兩。准米二十石。銀每兩。准米四石。綿花一斤。折米二斗。○又更置糧長。每區設正副二名。編定輪當。○永樂八年。令南直隸各府縣官田租。納附近官倉。○十一年。令各處折徵糧金。每兩。准米三十石。闊白綿布每疋。准米一石五斗。○宣德四年。令應天。蘇。松。并浙江屬縣等處。遠年拖欠稅糧。每絹一疋。准米一石二斗。綿布一疋。絲一斤。鈔五十貫。各准米一石。苧布一疋。准米七斗。綿花一斤。

准米二斗。○又令江南府縣官督察各屬糧長。凡有倚恃富豪。交結有司。承攬軍需。買辦移用糧米。假以風濤漂流爲詞。重復追徵者。重加究治。○五年。令自三年以前。拖欠稅糧。以十分爲率。三分折布。三分折絹。四分折鈔。其布絹不拘長闊。俱准照時價折收。○又令各布政司折徵糧布。或買辦物料等項。以總數派府。斟酌州縣里分道路分派。務令輕重適均。○又令各處糧長。有消乏充軍等項者。選差殷實大戶。常川充當。○正統九年。令浙江等布政司直隸蘇松等府。所屬夏稅麥少去處。准抵斗納米。若本處有三年之積。其存留之數。每石折徵鈔一百貫。○景泰四年。令浙江等布政司及蘇松等府。實徵糧不及萬石者。止存糧長一名。○五年。革湖廣等屬各縣正副糧長。令里甲催徵。○六年。革江北直隸揚州等府縣糧長。○七年。定浙江紹興等八府。重則官糧。各存留本府縣上納。如仍不敷。於人戶墾江田糧。及中則官田。重則民田內撥補。○天順二年。題准湖廣實徵秋糧五十八萬石。內將二十萬石。每石折收闕白綿布一疋。每年將十萬疋。送南京該庫。餘十萬疋。本司貯及本府庫。交與官吏旗軍。准作月糧。○七年。令浙江等布政司直隸松江等府。折納稅糧銀兩。附餘之數。造冊送部備照。○成化元年。令各處撫按等官。禁約各該司府州縣等衙門官吏人等。今後遇有詔書及朝覲之年。一應錢糧課程等項。明開已未完若干數目。以憑查究。不許預先作完。虛造牌冊。違者依律究治。○二年。奏准貴州所屬府州縣及宣慰等司稅糧。行巡按并按察司比較。實收通關。如年終不完。管糧官員。照例住俸。目把人等。依律擬斷。若有侵欺等弊。從重

究治。○十年令浙江嚴州府建德等縣夏稅農桑二絹每疋折納銀六錢。○弘治六年題准山西腹裏起運宣大稅糧太原府迤北迤南所屬并汾州平遙介休存義等縣可通車者悉從民便徵運本色草束照舊徵銀其平陽府澤潞遼沁四州所屬轉輸頗艱減徵價銀每米麥一石折銀七錢豆一石折銀五錢草一束折銀四分。○十三年議准凡各處掌印官將所屬起解一應錢糧批文妄作人情攬與內外勢要官豪者問發爲民干礙勢要參究治罪。○凡各處勢豪大戶無故恃頑不納本戶秋糧五十石以上問罪監追完日發附近二百石以上發邊衛俱充軍。○十四年奏准河南等布政司應天順天南北直隸等府州部糧官俱限年終到部二月以裏完納過違限期事完之日送法司究問。○正德元年議准今後徵收夏稅不過七月終秋糧不過十二月終俱要齊足應起運者作急起運應存留者照數存留如有管糧官員不行及時催徵通行提調官吏仍前虛起批票者定以虛出通關論罪未納糧數就於本官名下比併徵完。○令江西州縣每年將各戶該徵夏稅秋糧造寫實徵手冊照依布政司則例填註由帖給散納戶器立印信號簿糧長委官各收一扇里長催糧赴倉眼同照依由帖交納折銀等項亦就當官秤封貯庫各登號簿委官於由帖內寫一訖字與納戶執照如糧里仍前私家折收糧米作弊侵欺及小民拖欠不完或部運官通同不行催納以致經年不得完結者俱聽撫按守巡等官查照律例重究。○又令寧晉等縣皇莊子粒照例每畝止許徵銀三分。○三年奏准新勘過山東濱州活灘地辦納存留糧死灘地折納布

鈔○議准通州海門泰興三州縣坍江田糧通作存留折收價銀若起運不足以十分爲率量起二分以補其數○五年奏准今後各司州縣秋糧照例十月開倉先將管糧官并糧長大戶職名報知漕運衙門次將收過在倉糧數申報如有違限不分司府州縣掌印官通提問罪違限二年管糧官降二級一年者免降各將家屬監併完日疎放○六年議准陽信縣原額稅糧地內不堪耕種餘地一百五頃九十一畝零該稅糧五百六十六石六斗零照例折納布鈔○八年令薊州牧馬草場實撥軍民佃種地自本年爲始每歲減去原擬租銀一分只收二分五釐夏稅止收一次○又議准各處撫按督糧等官革去一年一造之冊令各州縣照依黃冊造定實徵糧冊十年一換將大小人戶每戶以若干畝爲轉運以若干畝爲存留以若干畝爲輕齋隨其多寡以爲定數田賣畝則隨田戶易糧則隨畝若遇蠲免隨數減除臨徵之時對冊給由量地里遠近立限交完以年終爲止其違限過年者責其赴各處自行上納嚴加禁約糧長過收索取治以重罪軍官掬勒索革去見任其餘災傷仍令撫按官查分數從實蠲免○十二年議准眞定等府撫按衙門選委各府能幹官員親詣所屬地方踏勘地土原額若干內肥饒堪種者若干派與起運等項稅糧沙灘不堪種者若干派與闡布存留二項○十四年奏准查勘沂州荒蕪田土係百姓徵糧者止納應辦糧草不許王府重徵子粒係撥付王府者專出子粒就將糧草除豁地如不足原數即查附近空閒無礙地土照例撥補○十五年議准湖州府地方自本年爲始將會計秋糧耗米照官民田

則輕重加減分派。造冊在官。永爲定規。○奏准海門縣坍江田土。該納夏稅小麥。每石折銀三錢。大麥。每石折銀一錢五分。秋糧米。每石折銀四錢。俱存留本處。以備衛所官軍月糧等項支用。雖無災傷。不派起運。其馬草租鈔。仍令徵解本色。○嘉靖元年。令安陸州并京山縣。民田秋糧。自本年爲始。停免起運。兌軍花絨祿米。俱作存留支用。別府州縣。原派藩邸祿米。照數改補起運。兌軍花絨祿米。原額之數。○六年詔。撫按衙門并管糧等官。申嚴曉諭衛所官軍。今後置買民田糧差。一體坐派。仍聽有司拘攝。務使軍民兩便。○七年奏准。將江西東鄉縣。原分割安仁縣十五等鄉七圖分。照舊退還該縣。本年以前。有逋負糧差。准照流民復業事例。暫爲蠲免。其在東鄉新置糧差。照舊在彼寄納。在安仁者。照前年限。量派存留。其峽江縣東十二都人戶。仍歸新淦縣。應當糧差。有未完者。仍於該縣完納。○八年。令內外各衙門倉場。一應糧料草束。除納完官單外。其扣下餘銀。責令本大戶解部。專備各倉場缺乏。遇有糧料價賤。科道等官。召商糴買。完日領價。仍先將價數。及扣過餘銀。陸續備行。司府州縣知會。除扣留餘銀。已足。下年該派之數。行各免徵一年。未足數者。量徵解補。○九年題准。浙江溫台處三府稅糧。照舊徵納本色。不許巧立餘米名色。徵價害民。○十年題准。川湖協濟貴州錢糧。比南北直隸江浙山陝解運京邊倉糧事例。定委府州縣佐貳官員部運。就限年裏。赴各該倉庫上納。每年先將委官及掌印管糧職名開報。候通查勤惰完欠。自參政參議而下。一體奏請旌獎劾治。○又令今後行取給由官。俱送戶部查對錢糧完納明白。方許收

選復任。○又令河南坐派鳳陽倉夏麥。每石徵銀四錢。解鳳陽府收貯折放。○十二年題准。浙江金華府京折銀兩。減數過多。將杭州府數內三千石。嘉興府數內四千石。湖州府數內六千石。共一萬三千石。改派金華府。以均民力。○十五年。令山東布政司。每年將額派軍屯民糧。解赴德州常盈倉上納。聽戶部委官監督收放。該州并德左二衛。官吏旗軍等。俸米月糧。如遇災免。該另行支補者。造實支文冊。一樣三本。呈遞委官查明。一本存留。一本發倉。一本轉送該司。查照補給。不許私兌。○十六年題准。今後直隸。山東。山西。河南等處。原派納萬全都司。宣府等二十一衛所。并萬億庫。隆慶衛倉。涿州庫。德州常盈庫。折銀布疋。每疋折銀三錢。解部轉送該庫收貯。○十七年詔。各處衛所官舍餘丁人等。置買民田。一體坐派糧差。不許抗拒。違者奪田入官。○題准。山東青州府樂安縣。踏出退灘堪種地三十二頃一畝四分。撥人佃種。照畝起科。辦納稅糧一百七十一石二斗七升四合九勺。絲綿二十八兩八錢一分二釐六毫。馬草二百二十四束。十四斤十四兩四錢。照數徵收。存留本處。應用候會計之時。添入該布政司實徵總額。分派存留倉口。依時徵納。○又題准。山西太原。平陽。潞安等府。遼。澤等州。歲辦大同祿糧軍糧。俱責令布政司管糧道。大同府歲派本處祿糧。俱責令分守冀北道。各催督。○二十年詔。各布政司。并直隸府州縣。一應大小錢糧。坐派所屬。須要奉到各部題准勘合。方許遵行分派。其未奉勘合。分毫不許擅科。如違。事發重治。○二十三年題准。應天江浦縣。埭江田地。該徵糧數。比照海門縣例。改納輕則。○又議准。山西大同。平陽。

等府稅糧。徵銀多寡不均。今後每石各止徵銀一兩。其不係代府祿糧州縣。每石量加銀一二分。以補原額不敷之數。○二十七年題准。平陽太原二府澤沁汾三州。遠年停徵地內。查出堪種。有人承佃地土。減半起科。以抵衝場拋荒之數。餘剩銀米。自本年爲始。僉撥大戶一條鞭徵收。銀兩解布政司收貯聽補。王府祿米。災免不敷之用。○二十九年題准。浙江等處司府拖欠銀兩數多。查照舊規。選差戶部屬官。催完五分者。本部具題取回。○三十二年議准。河南山東額連薊州倉漕糧。共二十四萬石。內除六萬石。照舊徵收本色外。原折色四萬石。每石折銀六錢。其餘一十四萬石。查照先年題准。改折則例。內十萬石。每石八錢。四萬石。每石九錢。通共折色一十八萬石。行令二省徵收。與同本色。一併徑解薊州倉上納。○三十三年議准。延綏所屬糧儲酌處本色收貯。以備不虞。將鳳翔府定擬本色二分。折色八分。西安府本色四分。折色六分。延慶二府折色七分。本色三分。漢中府等處。照舊折色。解赴綏德州廣盈倉交收。○四十二年題准。南直隸江西浙江湖廣各監兌主事。合照先年兼催錢糧事例。請給勅四道。仍會同各該撫按官。將嘉靖四十年四十二年額派南直隸浙江江西湖廣四省錢糧。及開納事例。并節年會議條陳等項。銀兩。其四十二年分。并帶徵三十六年分錢糧。完者起解。未完者嚴催。候一年滿日。通算。約以十分爲率。未完四分者。布政司掌印管糧官。俱降俸二級。移咨吏部。不許推陞。追徵完日。准照舊支俸。未完六分者。俱照不及事例。降一級。起送吏部調用。未完八分以上者。俱革職爲民。其餘府州縣掌印管糧官。亦照此例。

監兌主事。催督錢糧。通以一年爲限。查將未完錢糧。應參官。照依前例。分別參奏。以憑戶部議覆施行。○
隆慶二年。題准山西一省。坐派大同祿糧軍餉。各將該省管糧大小官員。聽大同巡撫節制。查比分數。一
體參奏。○議准各處起解錢糧。戶部更定格眼文簿式樣。發司府州縣各一様二本。逐項完欠。解納批收。
各照格開填。此外本部又用連四大紙。照依勘合掛號。印發各省。并南北直隸府州。行令各州縣。每年畫
爲一十二格。有閏月者。又添一格。每格將一月內徵完起解某項錢糧若干。填註。用印鈐蓋。歲終各省執
赴布政司及管糧道。南北直隸赴各府。查比完欠分數。仍發收執。其各府以所屬州縣。各布政司以所屬
府州縣。各多寡之數。計分格眼於一紙。每府州縣各一格眼。每歲終。將查比過錢糧。分完欠分數。填註各
格眼內。用印鈐蓋。仍照具由。呈部查考。凡陞遷。行取。給由。朝覲。各執此任內號紙格眼。赴撫按衙門查明。
仍併公文投部查考。司府州縣循環。卽用前格眼簿。連文內開報起解數目。月日倒換。○又令各省直府
州縣。置立格眼循環文簿。并號紙。填寫各項已未完錢糧。凡遇行取。給由。朝覲。各執此投部查比。○三年
題准陝西布政司。將臨鞏府屬原派該鎮民運。自隆慶二年爲始。改徵本色。運赴蘭州管糧郎中交納。另
議轉輸。○五年議准杭州府仁錢二縣官民田地。山蕩。開架稅糧。均爲五則。寧波府三則。處州府一則。湖
州府照依原定四則。至於大造黃冊。當從舊存實。以備稽查。惟各府實徵冊內。照議派徵。○又議准遵化
縣。見徵隆慶五年錢糧。卽改本色上納。就作隆慶六年軍馬支用。其本年應發年例銀兩。戶部卽行扣除。

仍查各州縣錢糧。如有隔年先徵者。俱照例一體改納本色。通候會計之日。各鎮照數查扣年例銀兩。○六年題准。將貴州所轄土司。比照有司事例。自六年爲始。如全完至七八分者。獎賞不及數者。戒飭全欠者。革去冠帶。勒限追完。○令陝西撫按備查宗室見種民田。某府將軍中尉。每位下見種某州縣某里某甲某人田地若干。應派稅糧若干。共銀若干。造冊呈院。印發各該府收貯。隆慶五年以前拖欠者。照舊追納外。自後如遇各府宗室關支本年分祿米之時。計其應納稅糧銀兩。按冊照數扣除。年終造冊奏繳。青冊送部查考。○萬曆元年題准。廣西清出猪獐占據田土。除平樂荔浦永安原係民田。撥還耕種。辦納賦役外。其餘俱撥今立土司募兵領種。每名給田十畝。其大小頭目酌量加添。三年後方行起科。每畝止徵三升。照原分屬縣上納。一應差徭悉行蠲免。○又題准。令以後各州縣見徵起運錢糧。俱要當年完報。先年拖欠帶徵者。每年限完二分。總計以十分爲率。未完二分以上。住俸督催。未完四分以上。降俸二級。督催。雖遇行取陞遷。俱不准起送。候完至九分以上。方准開復原俸。未完六分以上。降二級調用。八分以上。革職爲民。朝覲官題參。俱照此行。其司府掌印管糧等官。總計所屬州縣完欠分數。一體查參。○又題准。貴州所轄掌印督糧土流官舍。并湖廣湘鄉等縣。查照完欠分數。照例獎賞。住俸降調。○二年。令查節年未完緊要錢糧。應該完報者。酌量地里遠近。事體難易。各定立限期。照限查銷。○六年題准。湖廣協濟貴州糧銀。以後照四川類解則例。改歸該省布政司及糧儲道徵完。總解貴州交納。年終冊報戶部。只照協

濟未完分數查參不必京邊總算○八年題准行令各省撫按委官查將浮糧州縣逐一沿坵履畝丈量如有歷年詭寄隱漏及開墾未經報官許令自首改正免罪仍給本主領種納糧如首報不實查出問罪田產入官有能訐告得實卽以其地給賞丈量完日將查出隱匿田地抵補浮糧

凡徵收草料洪武三年令應天寧國等六府近京師者重租田一頃輸草十六束輕租田加倍池州安慶等十六府遠京師者輸到草重租田一頃十八包包各十五斤輕租田加倍○二十三年令官田每頃草料七包半民田加倍俱起運赴京定場交納○二十六年定凡各處倉場收積草料以備軍馬往來支用草於本處官司照田糧徵收料於秋糧內折納務要常存預備果係調撥軍馬及有戶部印信文憑方許支給仍仰所在官司將支過數目申達合干上司作數○又令凡在京徵收芻草俱於田畝內照例科徵當徵收之時戶部先行定擬具奏行移該徵有司限定月日先取部運官吏姓名開報候起運至日照數填定撥各該衛所并典牧千戶所等衙門交納以備支用其在外衙門亦各照依已定則例徵收施行○宣德二年令御馬監象馬牛羊草太常光祿寺犧牲草俱分派兩直隸及山東河南山西陝西諸府州地畝草內徵納○七年令順天府霸州東安等州縣拖欠草束每束折納鈔五貫就本處官庫收貯備用○正統二年令山西布政司歲徵馬草俱存留萬全等處折米備用○七年奏准凡南直隸各府起運馬草願納價銀者每束納銀三分解部送太倉銀庫收貯用草時召商上納照時價支給○八年令山東布政

司實徵馬草。除定擬起運京場外。其存留本處。備用數口。每束折米五升。於用糧處所交納。○九年。令各場該用草束。止許殷實軍民中納。如有內外該管官員。令子弟家人伴當。假託軍民出名承納。又行囑託。規避從輕省者。聽監收御史舉劾。○十年。令應天、蘇、松等府州。該徵草束內。折色米、豆、量。爲存留本處備用。其本色起運戶部交納者。每束折銀三分。北直隸真定府州起運草內。量減。每束折鈔一錠類解。○十四年。令浙江湖州、嘉興并直隸蘇、松等府。該徵馬草願納本色折色各從民便。不許一概徵銀。○景泰五年。令浙江嘉、湖并應天、直隸府州草束。原納折色者。照例徵銀解京。其存留之數。每包束折米、豆五升。於用糧處所收積。○成化六年。令巡倉御史。凡遇收草。督令該場官攢草一束。務近十五斤之上。方許秤收。不許將水濕小草。一概充數。亦不許聽從兜攬之徒。及勢豪囑託。違例收受。如違拏問。○九年。令山東并北直隸司府。起運在京內外倉場糧草。俱要照例徵收本色解納。不許折收銀兩。若地方僻遠不便者。量酌時價折收。於近京有收去處買納。不許在京收買。○十九年。令鎮江府寄莊與實在民田一體。均納養馬草束。○二十二年。令各處收受糧草等官。凡納戶納完正糧正草之外。不許追收餘價。若有餘價。聽令部運人員。追收帶回。本布政司發各該州縣。收貯別用。○弘治十三年。奏准。京通并馬房倉場等處。收受草束。若兜攬之徒。恃強將不堪水濕小草充數。囑託監收官員收受者。拏送問罪。枷在本處倉場門首三個月。發落。○十六年。詔。在內御馬倉天師菴中府二草場。在外壩上十九馬房。吳家駝裏外牛房。司牲司

司牧局今年合用糧料草束於原會計數內減去一半坐派以蘇山東河南北直隸小民困苦以後年分還著巡視科道官備查馬匹牛羊實在數日照數會計以免冒濫○十七年令巡視科道官備查馬房馬匹實在數目造冊奏繳仍行養馬官員每月造冊送戶部下糧廳并委官處查照以憑會計草料仍行巡視科道官出巡時吊卷查考○又令遼東并各邊采辦草束俱令上納本色○十八年議准各馬牛駝羊等房倉今後收受草料每草一萬束料一千石藟稽二百束不許私折價銀各倉舖墊餘剩藟稽與秋後采打蒿草遇該煮料時月量將藟稽蒿草并騰出席柴爛草簽檟等項相兼給散燒用不許將藟稽私收價銀蒿草等項不行收積燒用草束違者究治○嘉靖八年奏准各草場豆料以後俱免坐派應徵之數各量減原價徵銀解部轉買支用順天府行所屬州縣將前項草場子粒銀兩每歲照數徵解貯庫各場料草遇有缺乏管倉主事具報戶部行委平買支給其菘豆豌豆小麥粟米亦量減原價徵銀解部○十年題准安仁坊等五場及各象馬牛羊等房倉草料務要挨陳坐放先儘節年附餘以後挨年放支正數盡絕即放附餘其各倉場經收草束每年各爲一垛料豆各色分爲一倉官攢守支正數放盡即盤附餘九年三年滿者任內放盡一年正數即盤一年附餘接放附餘放盡方放次年正數周歲滿者一體交盤違者從重治罪○十二年題准偏頭等關地方百餘里中間牧馬草場六七千頃逐一查丈明白召令鄰近無產軍民認佃仍處置牛種播種初年暫免起科以後分別肥瘠量徵子粒草束就於附近緊要垓堡

上納以備邊用。○十三年題准。今後會派草料。查照各倉場馬牛實數。量行增減。務設二三年支用。其餘徵解折色。收貯太倉。以備召買接濟。○二十七年議准。安仁、西城臺基五草場收草。每草一束。於正數十五斤外。加耗三斤。共爲一束。秤收。所給價值。務照時估增減。其該場官攢役滿。照加耗之數。量算附餘多寡。不許官校人等。在場勒索多支。及姦商草束不敷。通同官攢人等作弊。違者聽委官呈部參究。從重議處。○三十八年題准。各草場委官。以後遇有收受草束。呈部添差。隔別倉場主事一員。公同秤驗。事完連名呈報。如有收支不明。事發連坐。○三十九年題准。通行山東、河南、北直隸各府。將原派應納各稅糧馬草銀兩。作速徵解。每年夏稅。不過六月。秋糧。不過十二月。赴部交納。如遇商人納完。領價照數支給。不得遲留。及那移別用。○隆慶三年。令御馬等倉料草等項。錢糧酌量。田丁編派。明開某倉場某項錢糧若干。某里某戶若干。分給由帖。責令依期完納。如有拖欠。致壓商人原價者。聽各該撫按覈實參治。其壩上等馬房馬匹瘦弱者。儘數發出。各馬房倉責令內臣旗軍。如法餵養。每年終聽巡青科道官查點。如有剋減料草。賣放軍士。致有瘦損倒死等弊。悉聽參究。其各馬房監督委官。查將發到馬數。呈部添坐料草。仍將該監原派料草。照數減除。○萬曆十二年題准。順天府壩上等倉共草七萬九千六十一束。每束原折銀三分五釐。今量減五釐。又太倉銀庫草二十七萬八千五百八十四束。每束原折銀三分五釐。今量減一分。通共減銀三千一百八十一兩一錢四分五釐。自萬曆十三年爲始。照減數徵解。

明會典卷之三十 戶部十七

【庫藏一】

【內府庫】

各庫所掌最大者金花銀。卽國初所折糧者。俱解南京。供武臣俸祿。而各邊或有緩急。間亦取足其中。正統元年。始自南京改解內庫。歲以百萬爲額。嗣後除折放武俸之外。皆爲御用。其粟、帛、茶、蠟、顏料。以需上供。雖本折不一。皆有規條。其本色。經驗糧廳委官驗過。會同科道官覆驗。堪中於六科領勘合。填數照進。其折色。召商買辦。戶部山東河南等司官。九門鹽法等委官。亦會同科道官。照時會估價值。辦納應用。其法甚詳。具載于後。外有乙字庫。收毛襖、狐帽、胖襖、褲、鞵等物。屬兵部。戊字庫。收弓箭、弦、條、盔甲等物。廣積庫。收焰硝、硫黃等物。廣盈庫。收抄沒違禁物。及禮部開送外國進來羅紵、綾、紬。工部退回段疋。俱屬工部。茲不具載。

內承運庫

洪武中定。各處解到金銀、纓、玉、象牙等物。及浙江、福建、布政司、直隸、蘇、松、常、鎮、徽、寧、揚州等府、廣德州、歲解段疋。并山西布政司歲造黃生素綾。俱送本庫收。

夏秋麥米共四百五萬九百一十九石一斗一升二合。每石折銀二錢五分。共折金花銀一百一萬二千七百二十九兩七錢七分八釐一毫。年例金二千兩。硃砂四十六斤八兩。慈寧宮子粒銀二萬七千二百一十八兩一錢三分六釐。慈慶宮子粒銀七千二百八十九兩六錢八分九釐二毫八絲。乾清宮子粒銀一萬九百七十六兩四分。未央宮改進乾清宮子粒銀三千九百四十一兩一錢四分三釐五絲五忽。

承運庫

凡浙江江西湖廣山西四川等布政司。直隸蘇松常鎮廬鳳淮揚徽寧池太安慶等府。滁徐廣德等州。歲解絹疋。并關生絹翠毛皮。俱送本庫收。

夏稅絲綿農桑本色絹。共一十四萬八千一百二十九疋三丈九尺八寸四分。

供用庫

凡浙江湖廣四川福建江西廣東山東河南等布政司。直隸蘇松常鎮寧太安慶廬鳳淮揚等府。歲解黃白蠟芽葉茶。并蘇松常三府。解到白熟糯粳糯米。俱送本庫收。

白熟粳米八萬二千四百五十二石四升七合。菘豆一千六百三石一斗。黑豆一千九百三十九石一斗。黃豆一百五十四石九斗三升。芝蔴八千二百二十三石一斗。黃蠟一十一萬斤。白蠟三萬五千八百一十六斤。芽茶四萬七千九百五十九斤一十一兩。葉茶四萬九千三百三十三斤。穀草五萬七千九百七十束。燈草

二千斤。蒲杖三千五百斤。鹽二十四萬一千六百六十六斤一十一兩。折色黃蠟九萬斤。共銀一萬八千兩。折色白蠟一十二萬五千八百一十二斤。共銀五萬三百二十四兩八錢。折色解太倉銀庫濟邊

甲字庫

凡浙江江西福建廣東四川湖廣河南山東山西陝西等布政司。應天直隸蘇松常鎮廬鳳淮揚徽寧池太安慶等府。滁徐和廣德等州。解到綿布銀硃蜜陀僧百藥煎黑鉛二硃梔子五倍子烏梅柴草姜黃藤黃明礬藍靛紅花槐花水膠黃丹白芨光粉祿礬茜草靛花青。俱送本庫收。

顏料四十一萬二千二百二十二斤五兩。內銀硃三萬四千一百二十二斤三兩。烏梅三萬九千三百九斤一兩。靛花二萬九千九百九十五斤。黃丹四萬二千斤。綠礬一萬五千斤。柴草一千四百斤。明礬四萬二百斤。光粉一萬四千六百斤。十二兩。黑鉛二萬一千斤。水膠八萬斤。槐花七萬斤。藍靛三萬一千斤。五倍子三千五百斤。闊白三梭布三萬三千疋。闊白綿布三十六萬四千一百一十一疋。苧布四萬七千七百七十四疋。紅花三萬斤。水銀二百二十九斤。

丙字庫

凡浙江河南山東并北直隸真定府解到絲綿花絨。南直隸池州揚州歲解土絲。俱送本庫收。絲綿三十一萬四千六十四兩。絲二百二十四斤一兩一錢三分。綿花絨三十七萬四千八百七十五斤。

六十二兩。

丁字庫

凡浙江福建廣東四川江西湖廣河南山東山西布政司并應天直隸蘇松常鎮廬鳳淮揚徽寧池太安慶等府。滁徐和廣德等州。解到銅鐵生漆桐油皮張水牛角牛筋黃蠟黃白麻翎毛魚線膠等料及工部召買蘇木俱送本庫收。

顏料三十萬二千六百八十七斤八兩。內生漆一十萬七千五百六十一斤八兩。桐油九萬四千七百三十五斤七兩。黃蠟一萬八千九百六十二斤三兩。黃熟銅二萬二千六百一十六斤一兩。紅熟銅二萬四千四百八十八斤五兩。錫一萬九千五百三十三斤。牛筋四千斤。黃牛皮九百八十三張。生銅九千八百七十八斤。

廣惠庫

凡臨清河西務蘇州揚州杭州淮安九江等鈔關。及五府六部等衙門。官吏鹽鈔。并各處地畝棗株鈔貫。俱送本庫收。

河西務等七鈔關。輪解本色鈔二千九百二十萬四千四百餘貫。折色銅錢五千九百七十七萬七千一百餘文。燕山右府軍前等四衛。樹株屯鈔五萬六千九百四十貫。

天財庫

凡正陽等九門并各鈔關本折鈔錢及皇城各門鎖鑰俱送本庫收。

贓罰庫

凡各處解到錢鈔并紵絲綾羅紬絹氈鐵力綿布衣服花絨等物俱送本庫收。凡各處官民犯法律合籍沒家財及有不才官吏接受贓私追沒到金銀錢鈔衣服等項俱各割付本庫交收其行移次第照依課程事例施行。

內官監

白熟細粳米一千七百石。白熟粳米一萬一千一百二十五石。蘘薦稻草五萬斤。草紙稻草一十萬斤。青白鹽一十三萬四千五百斤。

尙膳監

川椒一千一斤四兩。粟穀一百石。葛秫一百一十六石。

酒醋麵局

白熟糯米一萬一千五百石。小麥七千三百石。黃豆四千六百石。黑豆一千八百石。菜豆七百石。穀草四萬四千束。稻皮五百石。麩一十萬八千八百斤。

司苑局

黑豆一千九百五十石。穀草七萬二百七十二束。

借新司

白熟糯米一十五石一斗。紅棗一萬五千五百七十斤。

寶鈔司

稻草二十四萬五千斤。香油四十五斤一十五兩。

凡解納。洪武二十六年定。凡府州縣稅課司局河泊所。歲辦商稅魚課。并引由契本等項課程。已有定額。其辦課衙門。所辦錢鈔金銀布絹等物。不動原封。年終具印信文解。明白分豁存留。起解數目。解赴所管州縣。其州縣轉解於府。府解布政司。布政司通類委官起解。於次年三月以裏到京。戶部將解到金銀錢鈔布絹等物。不動原封。照依來文分豁明白。劄付該庫交收。出給印信長單。及其手本關節勘合。回部照數填寫。責付原解官收執。將所解物件。同原領長單并勘合。於內府各門照進。且如銅錢布疋。赴甲字庫交納。鈔錠廣惠庫交納。金銀絹疋。承運庫交納。其勘合既於各門照進。該庫收訖。就於長單後批寫實收數目。用印鈐蓋。仍付原解官齎赴戶部告繳立案。附卷備照。仍令該部主事。廳於原解官差批內。將實收過數目批迴。候進課畢日。將已解并存用課數。通行比對原額。如有虧兌。照依所虧數目。具本奏聞。類行各司府州縣。著落辦課衙門。經該官吏人等。追理足備。差人解赴京庫交納。凡十三布政司并直隸府州遇有起解稅糧折收金銀錢

鈔并誠圖物件應進內府收納者其行移次第皆做此○又令揀各處解納布絹如泥污水跡堪染顏色及稍破壞者皆不必倍磨爛破損不堪用者准陪補亦不治罪○又定各處折納布絹則例每絲二十兩及十八兩折絹一疋長三丈二尺闊二尺白綿布每疋長三丈二尺闊一尺八寸重三斤○永樂十年令在京在外起解一應錢糧務委官看驗堪中實數起解合于上司解部戶部委官看驗相同關填勘合進納仍於勘合內開各委官職名如解物與勘合不同者許門吏指實具奏○十五年令在外各司府州等衙門進納歲辦并開辦課程等項金銀段疋俱解內府庫○宣德五年令納官布絹不如法者加倍追陪原解人送問○七年差戶部主事一員同揀鈔御史給事中巡視甲字等庫凡各處解到布絹絲綿卽督官攬人等照洪武年間所定長闊丈尺收受若有兜攬作弊者具奏拏問○十年令各處歲造段疋委御史同該司官辯驗堪中送該庫交納○正統元年令各處解納折糧布絹選退不堪中者該庫出給印信票帖退還解人戶部差人押追納完仍送問罪不許再科百姓補納○四年令各處解到內府庫物料俱於六科領給勘合填數照進交納○景泰元年奏准各處解京布鈔等項先從戶部看驗堪中方許送庫交納取長單付繳○令各處解納絹疋若驗不中度百疋以上者侵剋解人發口外充軍絹疋責各犯家下追陪承行官吏行巡按御史提問○又令蘇松等府連納供用庫粳糯米差御史一員同本庫官監收○成化十六年奏准各處額徵絲綿折絹戶口食鹽鈔錢司府掌印官務嚴加督責各該州縣官監收本處織造絹疋堪中錢鈔責

令大戶領解。委官管押。仍先於內混取絹一疋。鈔五十貫。錢五十文。包封印記。順附公差人役。送部收候。比驗。仍作正數送納。其解到錢鈔絹疋。比驗。以十分爲率。如一分不堪者。罪坐州縣。三分不堪者。罪坐本府。五分以上不堪者。罪坐布政司。各經該官吏。若委官大戶抵換者。依律問罪。不堪錢鈔絹疋。盡數沒官。○二十三年奏准。各處解到錢鈔絹疋。戶部該司揀驗。堪中之數。該庫不許重復看驗。刁蹬留難。其餘闊布皮張物料等項。但係十庫錢糧。俱會同科道部官辨驗。果係地道真正本色物件。卽與收完。出給批單。通關。不許推調延挨。及供用庫所收糧。如有多收。盜賣。虛出。及包攬作弊者。拏送法司問罪。○弘治三年。令各處納絹。驗出稀紕。刷漿絲經。麻緯。及單經等項。低絹。布政司以驗退十州縣。及千疋以上者。住俸三個月。府以驗退三州縣。及二千四百疋以上者。住俸半年。州縣驗退八百疋以上者。住俸一年。○八年。令各處解納布絹。該府掌印官。用印兩頭。鈐記。每色取式樣一疋。印封交所委官吏。解部看驗。送部。仍於起解批文內。開驗中數目。用印鈐記。若不如法者。先將領解官吏送問。司府州縣提調。掌印官及吏。行巡按御史提問。揀退布絹。加倍追陪。解戶攬頭。通同侵欺盜賣者。發邊遠充軍。○十四年題准。各司府州縣。今後起解錢鈔絹布等項。赴部交納。其中揀退者。聽解戶從便買補。不能自買者。當官估價。責令鋪戶變賣。銀兩收買補納。若鋪戶刁蹬不行買補者。照依在京坑陷納戶事例問罪。其有無籍光棍打攪者。照依在京打攪倉場事例。拏送法司問發充軍。○令各處解納折糧布疋。赴部。該部委官於本衙門驗中。送付該

庫并巡視科道官及戶部委官收受不必再揀○又令各處起解兩京絹疋不及五十疋者送赴該府類解戶部驗退五十疋以上者該府經管官參究治罪○十七年令各處百姓輪納錢糧到京凡遇收放內府各監局各庫及各衙門管事內使家人有搶勒巧取財物及縱容下人通同作弊致使揭債經年累月不得完結者許緝事衙門體訪并被害之人指實陳奏治以重罪○嘉靖八年令每年差給事中御史各一員於內府內承運等庫并各監局巡視監收禁革姦弊先將各衙門見在各項錢糧會同該管人員逐一查盤明白作爲舊管每年終通將舊管收除實在數目磨算無差造冊奏繳○十年題准今後各處起解京庫物料果係本地無產者許於批文內明開某物若干折徵價銀若干到京召商上納如有餘銀通融幫補再有餘剩送太倉銀庫交收以備支用○十五年議准今後長安等門守門人員敢有故違明禁仍前科索解戶財物准折軍士直米者訪出或告發照例參問○十七年題准今後十庫內官不許增添○四十二年題准凡差官起解供用等庫錢糧到京卽同歇家赴部領單上納若潛住十日不赴部者參送法司歇家問以包攬解官治以重罪○四十三年題准凡起解京庫錢糧不拘本折悉解該府類總輪選佐武官管解給以路費水腳由布政司倒文直隸各府徑自起文解部定限先季徵完次季起解○又題准驗糧廳驗進錢糧定以三六九日爲期先開驗中數目知會科道官公同親收一切內收之弊盡行杜絕其實收完單隨卽給發○四十四年題准凡起解內庫錢糧黃白蠟香料之類係州縣出產者多派

本色原非出產者。准派別項起解。仍通行各該衙門。嚴禁監門、直門、巡河、巡街員役。毋得攔阻商解。索詐財物。○隆慶元年。令內府各衙門供應錢糧。查照弘治年間。及嘉靖初年舊額。酌量徵派。其以後年分加添者。盡行革除。將革過數目奏知。仍造冊送部備照。如各衙門假以缺少爲由。行文加派。各該部阿奉准行科道。即時參奏。治以重罪。○二年。令各門門吏。凡遇各解上納內府錢糧。先將勘合。赴該門比對底簿。號印相同。隨將該納數目。填入底簿。卽於戶部送納公文內。另打照進字樣。方赴上納。完日。將完過數目。填記勘合。并完狀原單。通發該門驗過。另給小票。連單赴部銷繳。以憑驗給批迴。該門吏務查一月錢糧果完。方得送科銷繳。其勘合踰季不繳。該科查對明白。卽類行本部。以憑查究。○萬曆二年。題准鑄給驗糧關防一顆。付委官收掌。凡遇解到內府錢糧。驗中會同科道覆驗。鈐記關防。以防抵換。

凡支給。正統二年。令各庫所收布。有長三丈以上者。俱准一疋。放支官軍。若該管官。截去餘尺入己者。以監守自盜論。○九年。令各項造作物料。止於官庫支用。有不敷者。奏給官價派買。不許損民。○十四年。令各處解到物料。送該庫交收。方許支用。○又令各處折糧等項。布疋。送甲字庫收。若有稀鬆。磨跡水跡者。送廣盈庫染造支用。○景泰三年。奏准各衙門買辦軍需物料。及一應支用。從宜設法區畫。若事干動支錢糧者。先行戶部會查。果有三年之積。方許回報施行。○弘治四年。令巡庫科道官。及內外該庫官。凡遇戶部送到各處解納鈔錠進庫。其折腰原封者。俱另收。轉送本庫。係折腰者。用備給賞。係原封者。用備買

辦。○嘉靖十年。以賞夷人絹疋不敷。將生絹一疋。折銀五錢。裏絹加染練銀七分。行太倉銀庫支放。候該庫有積。仍關本色。

凡庫夫。永樂十九年。奏准。內承運庫一百一十八名。內府天財庫一百六十七名。甲字庫六十二名。辨驗鋪戶四名。內字庫三十七名。每季辨驗鋪戶二名。丁字庫六十名。每季辨驗鋪戶四名。戊字庫一百二十名。試驗箭匠二名。贓罰庫五十名。廣盈庫六十六名。廣惠庫八十四名。乙字庫四十名。每季辨驗鋪戶三名。承運庫四十名。每季辨驗鋪戶三名。廣積庫四十名。辨驗火藥匠一名。○景泰元年。奏准。庫夫在逃。該庫止移文勾取。不得擅差。吏庫人等。逼勒擾人。其有交盤曬晾。許於各庫庫夫內。互相借撥費用。○成化五年。奏准。各庫夫。俱照原額。著役盤連錢糧。遇夜輪宿看守。如有隱占。及令解戶雇倩小腳頂替者。俱治罪。○七年。奏准。各庫查盤曬晾。原起取人夫。甲字庫六十名。乙字庫曬晾三十名。盤庫六十名。內字庫四十名。丁字庫六十名。戊字庫七十名。承運庫六十名。贓罰庫擡鈔四十名。檢鈔鋪戶一百名。盤庫二十名。廣積庫四十名。廣惠庫三十名。廣盈庫十五名。俱各減三分之一。用畢放回。如不足用。許以各庫夫互相借用。不許於兩縣。擅自起派。○十四年。令內府各庫鋪戶。三月役滿。即令僉補。不許容留在庫。及妄罰銀兩。○弘治五年。令兩京甲字等庫庫夫。交盤進納曬晾。止照舊例。於各庫借用。不許行順天等府。僉派擾民。○嘉靖十一年。題准。今後甲字等庫。解到庫夫。每年一次更換。但有稱大管事名色。交通商人。內臣聚

斂過付者。巡視科道及戶部委官。拏送法司。照積年事例。問擬發遣。以後逐年查審。永爲定規。內臣縱容。占執者。一體參究。其各庫收到商稅等項錢鈔。行內外委官盤收。合用人役。該戶科給事中。而奏於順天府起撥。

【太倉庫】

正統七年。置太倉庫。添設戶部主事一員專管。凡南直隸蘇常等府。解到草價銀。赴部轉送管庫官處交收。○成化十六年。令巡撫巡按官。清查各處運司及提舉司積年收貯。并變賣過私鹽車船等項銀兩。盡數解部。轉發太倉庫。以備邊儲支用。○嘉靖十一年。奏准添委員外郎一員。專管太倉銀庫收放漕運。一應折銀折草鹽課等項。并解到戶部各處象馬牛房及供應等。并十庫折色銀兩。其倉庫折色。應召商者。另項收貯。如遇完納商人。齋有戶部完單。照數給領。其庫內一應巡風官吏及軍斗等項人役。悉聽提督。仍照坐倉員外事例。一年更替。通將收放銀兩等項數目。造冊備呈本部。及提督倉場官處。以備查考。○十六年。題准。今後戶部委官解運各邊銀兩。置立印信號簿。一樣四本。一存太倉。一收本部。一付委官。一發該鎮。互相檢驗。○二十二年。題准。今後凡抄沒犯人家財。及變賣地土房屋。追收店錢等項銀兩。俱照舊送本庫收貯。三宮子粒及各處京運錢糧。不拘金花折糧等項。應解內府者。一併催解貯庫。悉備各邊應用。不許別項那借。○又議准。今後各運司餘鹽銀兩。解送太倉。另貯一庫。專備各邊客兵糧草。不許分

毫別用。○二十四年題准。太倉銀庫每日輪差管倉主事一員。共同管庫員外收放。若有姦弊。許其糾舉。本部仍不時訪察。以驗勤惰。凡銀兩管倉員外郎務要兩平收放。逐日逐項開注明白。一年滿日。與同接管員外郎會同巡倉御史。將經手銀兩。逐一秤盤。若有附餘。照依舊規。作正支銷。○三十一年奏准。差科道各一員。會同太倉管庫員外郎等官。驗日收放。同進同出。以後不必更委陪庫主事。尋以科道止巡視。不同監收。仍復每日輪差主事一員陪庫。○三十八年題准。太倉銀庫。每兩月一次。將收放銀兩數目。奏報。○四十一年題准。添差科道官。監同新舊管庫主事。交盤庫藏各項銀兩。○隆慶二年議准。令各處所解。及援例上納銀。自二十兩以上。傾錠足色入庫。以後查明交代。仍令該庫造冊五本。一存庫。一送巡視衙門。一送總督衙門。一送戶部。一送戶科。各存互察。管庫官員。除錢糧重大者。共同科道秤收外。陸續起解者。管庫官與同陪庫官秤收。○萬曆二年題准。將戶部空閑主事。另委一員陪庫。每日共同管庫主事。收放銀兩。季終更替。毋得仍委京倉主事。致妨倉務。○八年題准。將裁革山東河南京糧道參政。原收銀兩卷籍。俱送太倉銀庫。以後二省并北直隸各府。應解兩道錢糧。改解銀庫交納。另項收貯。候各馬房倉場商人。上納料草錢糧完日。照數給價。

【在外諸司庫】

洪武間。凡天下衙門收用錢糧。一年一報。務將當年已支見在。及天下放支該用數目。開報戶部稽考。○

二十三年令各司府提調正官監督官攢人等盤點在庫一應錢帛若金銀錢鈔并正帛零段解赴京庫。應重什物及銅鐵錫器收貯備用不堪瑣碎物件當官燒毀舊破衣服給付孤老仍俱開數目稽考。○永樂三年差監生於各處會同巡按御史查盤庫藏錢帛等項解京。○洪熙元年奏准差官於各布政司各都司并直隸府州衛所清查庫藏錢帛同下年該收該用數目造冊開報。○宣德八年差給事中主事於各處清查在庫貨物凡紵絲綾羅布絹不成疋及衣服器皿之物皆計時值准作文武官折色俸支用。○正統四年令各布政司并直隸府州會計每歲該用鈔數年終具報戶部存留支用餘鈔解京。○景泰二年令在外諸司倉庫錢糧非奉戶部明文不許擅支。○成化十二年奏准分巡官各處寄留贓罰所在有司申達總司查考。○十七年令各處司府衛所大小衙門如遇修理等項止許設法措置其在官錢糧必須軍器重務賑濟饑民及奉勘合應該支給者方許會官照卷挨次支給年終查算明白造冊繳部若不應支給并那移出納者經該官員降黜邊遠敍用侵欺者從重歸結。○二十年令各處巡按御史會同布按二司督同各府州縣并鹽運司等衙門掌印官親詣官庫查盤一應錢帛等物應變賣者變賣應存留者存留應起解者起解三分之二。○弘治九年令布按二司并直隸府州將在庫金銀錢鈔等項開具數目按季造冊送部及巡按御史以憑查考。○十二年令各處巡按御史三年一次查盤在外諸司庫藏收貯金銀錢鈔等物及一應贓罰。○十七年議准運司官庫銀兩今後每年終巡鹽御史隔別委官查盤分

別舊管收除實在數目造冊繳部應解者。即便起解。應存者。存留在司。不許別衙門那移借用。○正德十四年議准。福建布按二司。每年各置贓罰循環簿。送巡按衙門印鈐。將日逐問過囚犯贓罰紙米挨日逐起。開寫硃語附簿。空立前件。發去監追衙門填註。已未追收。或某人承攬。或自上納。或監追日久。改發擺站未完者。有無縱放。每遇照刷之年。弔查。或有虧弊。聽刷卷御史追究。○嘉靖二十八年奏准。各處撫按官於布政司每歲額解錢糧。立法頒示。不許以火耗公用爲名。扣留侵除。每遇收放。左右布政協同幹理。巡按御史不時巡察。親自查盤。其南北直隸巡按御史。并各處巡撫都御史。一體嚴加查理。有弊從實論治。○隆慶五年題准。密雲鎮建立一庫。每年主客年例軍門公費。及撫夷修邊等項銀。盡發收貯。并添設該庫大使一員。吏一名。專掌出納。○六年題准。昌平鎮錢糧。比照薊密二鎮。添設庫官一員。及鑄給條記印信一顆。令其收掌出納。關防鈐蓋。以防姦弊。

【贓罰】

宣德十年奏准。各處司府州縣衙門。凡在庫贓罰。除金銀珠翠。起解京庫。其餘銅鐵油麻羅段布疋衣服之類。及寄養贓罰馬羸驢牛等畜。俱易米麥穀豆上倉。○正統三年奏准。凡在外府州縣。并軍衛等衙門贓罰。俱解布政司。并直隸府州官庫。候年終。直隸府州會巡按御史。各布政司會按察司。盤點見數。其金銀及其中段疋。起解京庫。仍具起解存留數目。造冊送部查考。按察司所追贓罰。及不堪段疋。亦送

布政司官庫金銀并堪中段疋。每歲類解都察院轉送京庫。○四年差給事中并戶部主事於各布政司會同按察司直隸會同巡按御史盤驗各庫贓罰凡金銀珠翠及紵絲羅段疋堪中者起解京庫如不成疋及衣服器皿之類准折本處官員俸給其餘銅錢硫黃解工部軍器發附近衛所領用。○嘉靖三十四年議准行各處撫按巡鹽巡茶及南京巡倉屯田巡江等御史各於任滿交代之日將應解贓罰銀兩盡數解部濟邊戶部仍於年終將各撫按解到贓罰銀兩多寡數目另行奏覽。○四十三年題准以後撫按并各差御史贓罰每十分著解戶工二部各四分濟用外其二分并司府者存留備賑不許私饋妄費及因而科擾該部年終將收過銀數具奏。○隆慶三年令南京刑部通行各該問刑衙門以後如遇抄沒贓物內除違禁細軟等件遵例解京并歲額錢鈔仍照舊外其餘一應羶重贓物并贖罪銅錢徑解南京戶部貯庫會官估計酌量支放。明立文卷照刷其見在貯庫贓物盡數查出會估酌處支銷。○萬曆八年令各撫按贓罰銀兩互相稽查原額應解八分之一外明開有無多寡其二分備賑者要詳收貯何處曾否勦支另酌地方大小量紙贖多寡各議加增登人考成查比。

